

流

寇

志

流寇志卷十一

海鹽彭孫貽羿仁氏著

主事劉養貞于皇極殿叩頭請誅誤國奸臣張縉齊魏滿德陳  
演自成怒曰先朝時何不言之立斥之戶部侍郎黨崇雅給  
事中介松年御史柳寅東自賊營西來入朝崇雅降於通州松  
年降於保定皆角巾鮮衣聯騎入西長安門各官詣吏政府  
自成所選七十三人金星復錄數十人企郊分為三等上者升  
堂次者立軒下下者立庭中選定奏聞午後放榜授弘文館學  
士庶吏政府侍郎何瑞徵國子監司業薛所蘊瑞徵于金星為

龔鼎亨中成進士  
為知縣行取任科  
員並非翰林云仍  
庶吉士終矣

同鄉先達為中所薦遂自稱門生云韓四維楊廷鑑為修撰高  
爾儼陳名夏為編修名夏聞變自縊家人救之不死至是授編  
修自成召見特授修撰兼戶兵科諫議大夫周鍾為簡討方以  
智勅清標李呈祥傅鼎銓劉餘謨史可程龔鼎亨朱積魯楊  
樓鶚黃榮張家玉仍為庶吉士劉大輦為大理寺卿葉初春為  
尚契卿改尚寶司卿吳家周為太常寺卿改少詹項煜為太常  
寺丞煜門生黎志陞為賊重用京師俱言煜旦夕入相煜亦侈  
然自得曰大丈夫名節既不全當立蓋世功名如管仲魏徵可  
也及授寺丞意阻隱謀竄跡李元鼎為光祿寺卿張魯為鴻臚

寺卿宋學顯為驗馬寺卿賀王盛為驗馬寺丞改六科給事中  
申芝芳朱徽劉昌金煉色光時亨為六科諫議大夫改御史朱  
朗鏐柳寅東陳羽白張鳴駿斐希度韓文銓張懋辭蔡鵬霄為  
直指使改吏部郎中員外主事沈自彰左懋泰熊文舉郭萬象  
侯佐王顯劉廷諫為四司從事楊枝起掌吏政文選司事張元  
始陳宸誦鄭爾圻王爾祿為戶政府從事韓霖吳文懌賀久明  
吳泰來李森先許作梅為禮政府從事沈元龍吳剛思為兵政  
府從事胡顯文李丕著龔翼為政從事楊明琅張元琳湯有  
慶黃徽肩吳之奇張琦各刑工諸司從事改簡討張之奇為順

天府尹庶吉士魏天賞兩淮運副吳爾璵遂溪縣令劉廷琮張  
元鋤高珩胡統虞傅學羅惠煥白胤謙何脩光趙頴成克鞏張  
端二十人皆改縣令給事中孫承澤為四川防禦使賊初入都  
有稽訪司持刺召京紳劉餘祐孫承澤既見即問餘祐借銀四  
萬兩承澤二萬兩脅之曰宜早至稍遲二日不得從容矣二人  
懼各需其半承澤乃有是授改給事中戴明說山東防禦使傅  
振鐸為四川府尹龔鼎孳為防禦使金汝礪為戶政府從事時  
敏為四川縣令翁元益亦改縣令改彭瑄為山西縣令陞御史  
徐必泓衛貞固為四川府尹又錄用各部散員周壽明為楊州

防禦使徐家麟為山東防禦使武愼為淮徐防禦使李之奇為

防禦使王孫萬為長蘆鹽運使王于曜為鳳陽府尹黃國

琦為

府尹朱希煌為四川府尹鄒魁明為淮安府同知呂

北龍為成都府同知陳膏歸德府同知周亮工廣平府同知黃

一爵北直同知王允言滄州牧孫澄鹿邑縣令許承定陵縣令

范雋考城縣令賈士儁商邱縣令郭經邦柘城縣令何永新邯

鄲縣令王準四川縣令程成玉山西學正又布衣八人賀成延

慶州牧董三省開封府通判汪守國武昌府通判諸葛萬成大

同府同知潘可程漢陽府同知戈邦智四川通江令何士肩四

川華陽令石有慶河南祥符令共一百二十餘員其趙京任董  
學恒趙玉森王自超何九雲劉肇國姚文熱楊元錫李登雲等  
皆錄用未授職銓位坤黃緣牛金星求用金星斥之乃托周鍾  
通于顧君恩楊枝起赴部時對其家人曰我明日此時使非凡  
人矣京師遂有不凡人之號大學士蔣德璟侍郎張伯鯨巡  
撫鄭二陽魯樸及部中行人散員與候職進士施元徵蔣臣汪  
惟效翁希禹宮偉傑程兆科程子奇施升嚴通林飭王崇簡彭  
遇凱譚貞良史夏隆皆潛踪逃去韓霖故識夏隆軒蓋來謁曰  
以年兄之才新主必當重用何可去夏隆不答諭德方祀乾

衛脣文中允林增志楊昌祚宋之繩光祿寺監事林蘭友郝傑  
中書陳翔劉明瑛等咸削髮見賊賊怒命執送劉宗敏宋獻策  
上書曰明朝削髮奸臣既不能捐軀殉國以全忠義又不能委  
身歸順以事真主願乃巧立權宜徘徊歧路名節既虧心術難  
料若委以政事任以心腹恐他日有反噬之禍自成諭吏政府  
削髮奸臣命法司嚴刑拷問吏政府不得混敘授職拱乾咸被  
拷掠備極慘酷惟宋之繩以楊廷鑑周鍾力薦王旗鼓免刑  
初術士吳某客都下拆字占奇中城陷日林增志叩吳問禍福  
書一林字於柱吳驚曰二木書木上是三木也君子有懷刑之



憂增志懼投寺僧賊縛去掠幾死嘉定伯周奎從子左都督  
鏡聞城陷勸奎殉國不聽鏡遂聚其家百餘口勒之自縊投井  
皆盡乃自刎偽制將軍李嶧據奎策奎獻長公主并銀十萬助  
軍希免禍嶧數其為國至鄙各不忠夾足箍腦奎復輸銀十萬  
嶧笑曰此賊慳不與殺手不吐也燒烙鐵熨其膚一熨承銀一  
萬累四十熨遍身焦爛承四十萬先後追銀六十萬珍玩幣帛  
無算夫人卜氏及子婦皆拶指斃死嶧更令奎擔水執爨以辱  
之乃死賊鈔沒成國公襄城伯家初自成崇禎朱書御筆疑純  
臣純臣懼自盡賊鈔其家襄城伯已自盡賊亦鈔之英國公

張世澤定國公徐允楨博平侯郭振明陽武侯薛渡清平伯吳  
遵周平江伯陳治安都督袁祐周銘周鐸周鉉皆拷掠無完膚  
大學士陳演每自稱廉相劉宗敏収拷夾足者再徵其黃金  
三百六十兩或云勒銀三萬兩更于平則門外土庵中發其所  
瘞白金兩一萬兩拷魏藻德宗敏責以首輔致亂藻德曰藻德  
書生不諳政事先帝失道遂至于此宗敏曰汝以書生擢狀元  
不三年為宰相崇禎皇帝何負于汝詆為無道呼左右批其  
頰復拘其妻子同德藻搜指夾足勒銀一萬三千兩方岳貢亦  
被掠以入閣日淺官貧有清望納銀四百兩布四百疋乃免卹

瑜夾足徵銀五千兩。李建泰入都為宗敏所執，拷得銀萬兩，自成特赦之命，加禮焉。方魏忠賢入營中時，遇馬世奇，僕懷印報訃泣語之曰：「不聽汝主言，以至於此。今且求死不得，奈何？」渡沾衣牽去。吏部尚書李遇知自謂與自成同鄉同姓，可幸免禍。宗敏執之，夾足拶指者再，徵銀四萬六千兩，刑未已，遇知乘間觸階死。兵部尚書張縉彥、刑部尚書張忻、工部尚書陳必謙、吏部侍郎沈維炳、兵部侍郎金之俊、工部侍郎張鳳翔、王鰲、永僉都御史王正志，皆被拷，輸銀不等。戶部侍郎吳履中夾足一次，免周鍾賂王旂鼓乃免。詞臣則禮部侍郎楊足一日，以古玉盃

一金壺一美婢一浼周鍾送王旂鼓乃獲釋翰林侍讀學士張維機夾足勒腦仍夾其二奴維機不勝苦楚奪賊刀自刎釋之復蘇乃免祭酒孫從度卧病金臺會館有羅賊來居從度妻罵之羅賊鎖其項并昇從度出拷訊立斃按其妻十指斷乃供史莖寄害銀七千兩獻于自成由是翰林皆坐派萬金大小群僚皆被挾夾徵銀有差百官被刑者踞伏劉宗周李過前數十人皆以短木夾棍夾足用一大木共橫壓之賊持大棍往來敲橫木有殷肉碎骨裂號哭動地聲徹數百戶御史馮垣登兵部主事鄭逢蘭戶部員外范方夾一日夜死賊斬勲衛武職常

守經張同方等二百餘員于平則門外時有道人不言姓名寓東直門閭帝廟能前知禍福錦衣衛指揮張同方敬禮之二月中道人勸同方棄官南歸遂巡未決三月道人來別同方問吉凶道人指空中雀鳥示之鳥忽墜地死同方曰兆已不祥猶可避否道人曰前言不信何能解乎飄然別去同方懼稱病謝事未幾都城陷遂被難勲衛常守經押伶兒孔四郎叛將官撫民據其宅拷掠守經發害藏萬金執送守經于自成斬平則門外撫民悅四郎點慧留之撫民一夕醉歸復索酒令四郎歌夜深醉卧四郎潛起拔刀斫撫民中其股撫民驚起四郎知不免提

刀罵曰我受常守經厚恩誓同生死汝既取其財又傷其命我  
為守經報仇恨不能殺汝死必為厲鬼扼汝吭自刎頭墜尸立  
不仆撫民大懼呼群盜推之始仆 乙卯乙卯寧遠總兵平西伯  
吳三桂兵入山海關賊將不能禦三桂移檄遠近勤王報至賊  
聚謀失色遣唐通協守關隘三桂父吳襄提督御營居京師賊  
召之作書招三桂曰汝以皇恩特簡需聞非真累戰功歷年歲  
也不過為強敵在前非有異恩激勸不足誘致英士此管子所  
以行素賞之令漢高一見韓彭而予重任也今爾徒飾軍容選  
懦觀望使李兵長驅深入既無批亢擣虛之謀復無形格勢禁

之辦事機已失天命難回吾君已矣爾父須臾嗚呼識時勢者  
可以知變計矣昔元徐元直棄漢歸魏不為不忠子胥違楚適  
吳不為不孝然以二人揆之為子胥難為元直易我為爾計及  
今早降不失封侯之位而猶全孝子之名萬一徒恃驕憤全無  
節制主客之勢既殊衆寡之形不敵頓甲堅城一朝殲盡使爾  
父無辜並受僇辱身名既喪臣子俱失不亦大可痛哉語云知  
子莫若父吾不能為趙奢爾殆有疑于括也其詞皆賊目牛金  
星等所撰遣賊將一人偽官一員白金萬兩黃金千兩錦幣千  
端偽勅一通封三桂為侯特授偽吏政府從事左懋泰為兵政

府侍郎同唐通協守山海關發銀壹百萬賞邊

彭子曰貽遼江右德安馬大令告貽曰有容乎西幕者云世傳吳襄作書招平西平西告絕于父起居勤玉非也都城既陷三桂屯山海自成遣使招三桂三桂秘之大集將士告之曰都城失守先帝賓天三桂受國厚恩宜以死報國然非藉將士力不能以破敵今將若之何將士皆默然三問不敢應三桂曰闖王勢大唐通姜瓖皆降我孤軍不能自立今闖王使至其斬之乎抑迎之乎諸將同聲應曰今日死生唯將軍命三桂乃報使于自成捲甲入朝至永平遇父襄蒼頭與一



姬連騎東奔驚問之則襄姬與蒼頭通乘亂竊而逃詭對三桂曰老將被收一門皆為鹵獨與姬得脫東歸報將軍將軍速為計三桂乃翻然復走山海擁兵自守使人乞師共擊賊也

賊授宛平舉人王仙芭為山東濰水縣令 淮安巡撫路振飛聞京師危急集淮上義兵七十二坊各以生員一人為之長一人副之使自備刀仗糗糧各為操練夜則番休以備非常椎牛誓師大閱舉人湯調鼎等戎服聽命 丙辰廿李自成以宮女分賜隨征諸賊 李自成馳檄脅降左良玉高傑劉澤清 劉

宗敏李過等大索京官嚴刑拷掠罄衣幣金銀諸器未已株連  
親戚知交典肆市賈搜索寄頓逮及菜傭賣菜僧房飯肆搜括  
俱盡道上曳騾喧呼里巷罷市紳監富民無一免者賊謂徽人  
多挾重貨掠之尤酷死者千人諸賊俱珍寶盈索金釧累滿  
臂死難諸臣大書於門某官傳喪于此賊過門不敢入降賊  
各官經過其地汗顏策馬疾馳去 吳爾璵既授從事辭于宋  
企郊曰從事治繁理劇慮有失職願得教授足矣企郊怒曰主  
上經綸草昧未遑立學安用教授亡國之臣理宜就戮主上憐  
才授一官為更始若既不能殉節又欲優遊事外乎命弓手送

劉將軍營兩壩叩頭流血願願就職乃免 諸候選者詣吏政  
府紛乞請乞郊曰新朝當另用一番人公等不如早歸乃稍  
稍遁去 丁巳賊使致偽勅及吳襄書於三桂唐通亦遺書  
三桂盛誇新主禮賢啖以父子封侯三桂不答止書於父曰桂  
以父廢寢聞義訓得待罪戎行日夜厲志冀得一當以酬聖眷  
屬邊警方急寧遠巨鎮為國門必淪陷幾盡桂方力圖恢復李  
盜猖獗不久便當撲滅恐往復道路兩失事機故暫羈時日不  
意我國無人望風而靡吾父督理御營勢非小孫巍巍萬雉何  
至失墮使桂捲甲赴闕事已後期悲恨何極側聞聖主晏駕臣

民僇辱不勝眦裂猶憶吾父素負忠義大勢雖去猶當奮椎一  
擊誓不俱生以殉國難桂亦縞素號慟寢干復怨不濟則以死  
濟之豈非忠孝媿美乎何乃隱忍偷生訓以非義既無孝寬禦  
寇之功復愧平原罵賊之勇夫元直荏苒為母罪人陵苞二親  
並著英烈我父矯王臣反愧巾幗女子父既不能為忠臣桂  
亦安能為孝子米桂與父訣請自今日父不早圖賊雖置父鼎  
俎傍以誘三桂不顧也賊使返命群盜傍皇失措賊聞關東  
兵至咸涕泣思歸無有鬪志有客行市上觸賊刀背遂為牽去  
怖欲死將至一宅數十人群坐大嚼或膝坐婦人弄之見客至

群起問能作字否曰能出瓦硯秃筆爭拉之曰我輩不解字若  
為代書我輩父母妻子在陝生死未卜聊寄家書以慰之作賊  
不過多得財得亦無由寄從政辛苦何以家為悔為李闖所誤  
左良玉老于戰中恐旦夕南兵來又聞吳三桂兵入關且急我  
等那能敵李闖相驅至此尚不知死所言之各泣下爭出腰間  
環釧碎絨之有寄山西陝西者寄父寄子寄婦者外署永昌年  
月尚有欲署崇禎年號者書已各出零落鏤簪花翠與之盈袖  
而返江淮始知京師失守巡撫路振飛城守纂巖淮安知府  
周光夏守西門同知黃鉉守東門監紀郎中高岐鳳守南門兵

副范鳴珂守北門各官俱宿城上南都戒嚴 四月戊午朔南  
京守備魏國公徐宏基督機務兵部尚書史可法戶部尚書高  
宏圖工部尚書程註右侍郎張慎言兵部侍郎呂大器翰林院  
學士姜曰廣太常寺卿何應瑞應天府尹劉士楨鴻臚卿朱之  
臣太僕丞姚思孝吏科給事中李沾戶科給事中羅萬象御史  
郭維經陳良弼朱壽圖周元泰王孫蕃朱國昌誓告天地號召  
天下起義勤王捐貲助餉 史可法移檄遠近曰嘗聞遭時有  
道多以文事而絀武功邁會非常可因國危而徵臣節天寶亂  
而常山睢陽之事於靖康靡而宗澤李綱之氣烈彼皆愚從上

作釁可預知。況休命篤于上天。明德光于良史。有若我本朝者乎。二祖之廊。清有同盤石。累朝之熙。治象擬華胥。今上特興宏謨。益脩冲齡。而掃恭顯之氛。立清宮府。召對而發龔黃之嘆。總為編氓以寇起。而用兵是虐民者。寇也。兵非得已。以兵興而詒餉。是靡餉者。兵也。餉非自私。詔旨勤頒。有再累吾民之語。天灾灾修省。無一時自逸之心。疏膳布袍。真能以天下之肥而忘己瘠。蠲逋宥罪。不難一人之過。以就臣名。是宜大業之宏昌。何意意諸艱之駢集。理誠莫解。事有可陳。思為蒼生而得人。上之張羅者。誠廣責以赤心。而報主下之自矢者。難言壅蔽。實繁擔當。

何狀邊塵未滅冠燭旋騰血濺天潢烽傳陵寢南北之耗莫  
通河山之險盡失留都係四方之率司馬有九伐之權義不共  
天行將指印克勦大舉實賴同仇請無分官游無分家食或世  
貴如王謝或最勝若金張或子虛之以貲起或輓輅之以談興  
乃至射策孝廉明經文學名班國士素為里雄各行壯謀各團  
義聚飛附大軍力爭一決醜類立殲普天大慶此萬代所瞻仰  
九廟為鑒臨也然策固當乎即戎而義必先乎助餉或抵小國  
之賦或割中人之家至登壘巨商聯田巨室雖與搢紳並舉亦  
自誼分有殊譬以同舟之誼誰無恤緯之心不惟社稷之憂即



是身家之算始賊巧于為餌時亦有優孟之仁迨我既入其樊  
莫不搜地獄之隱難民所訛聽者寒心連歲報陷西安太原武  
昌皆行省也金穴何止一家牙籤止不勝紀只坐一慙遂成胥  
溺同舟即一家覆巢無完卵可不重思之哉法等實切執父之  
願輒通托鉢之呼如或經情阿堵絕念封疆則齋雲有袖矢之  
誓溫嶠有迴指之旗是為過計亦屬愚衷見起君親約照天印  
湖廣道御史濟南王與胤家居聞京師陷暨妻子登樓縊死  
牛金星全諸賊臣議登極禮更定大順彙典鴻臚偽官習登極  
儀各偽官勸進不允偽禮政府示百官初三日再勸進陝西

舉人楊聲華王琦撰勸進表以獻自成命授編修 賊令開局  
鑄永昌錢不成錢文變泰昌字自成氣阻斬局工厭之終不成  
偽權將軍頒儀制文官俱聽大將節制冠服一品加雉羽于  
冠上服俱方領文武一色以雲為等差收舊印牙牌彙繳職方  
司別領新偽契 頒示自成先世祖諱禁用自務明光安定成  
等字樣偽司務魏學濂謁宋企郊以官銜犯諱請他職企郊叱  
去之 賊改大明門為大順門撤門榜字盡皆鏤金群賊聞然  
剝金須臾盡榜不果易 劉宗敏先釋被刑各官方岳貢邱瑜  
張鳳翔雷躍龍沈維炳方拱乾楊士聰趙士錦李士淳劉明瑛

吳邦臣等皆囚之方岳貢不食死山瑜未執前有絕命詩百歲  
春光強半過匡時力短愧鳴珂書詩萬卷多無用惟有先賢正  
氣譌又書戒子勸勉忠孝有到處青山可埋吾骨何必故鄉語  
瑜初被執即自縊賊救之甦至是服冰片死張忻輸銀壹萬緡  
哥如輸銀五千始釋王都釋械即死顧鏞被拷僕竊資逃去賊  
索無有殺之賊令盡驅宦官出城不許復入群呼打老公宦  
官貴賤老少哀號奔走失履裂衣墜帽首面血汙淋漓初都城  
被圍內員皆通賊攻圍急猶蟒玉呵殿城上士卒無兵器皆木  
白楊本棒偃曲斜櫪五六尺塗朱釘其杪貫一環觸有殺名曰

閔槐稍格即拆城破賊擊殺數萬人內員從容啟關迎賊慶得  
主賊即閔槐驅之人頗快焉 淮安巡撫路振飛耀兵河上北  
來潰兵及境咸避去 已未初自成名偽禮政府侍郎楊觀光  
入內殿問郊天何以不如葦酒不近女色不行刑觀光曰天人  
一氣相感不如葦酒欲其心志清明不近女色欲其呼吸靈爽  
不行刑欲養天地慈和之氣以感格上穹自成善之賜茶而出  
魏藻德被拷五日不釋乘間自勒死賊復收拷其子無措因  
斬之藻德家每夜聞刀兵殺索之不見又聞殺哭甚哀藻德懼  
不祥寬言以慰妻子卒為賊所殺 庚申初自成命偽禮政府

尚書鞏燾致奏大行皇帝奉帝后梓宮同葬西山田貴妃塋中  
賊令一小將監太子二王臨送于東華門百官無一執紼者  
賊令舊鴻臚官復原職習儀以候篡位 潞周二王携宮眷至  
淮上福王子身南走常應俊數人從之至鳳陽鳳督馬士英以  
兵護之南渡河南驛傳道副使呂弼周降賊偽授淮揚節度使  
偽檄至淮巡撫御史王燮斬之燮弼周門生也 舉貢諸生紛  
紛求試自成命偽順天府尹考宛大二縣童生首題天與之經  
題大君有命命偽禮政府考舉人首題天下歸仁焉次題莅中  
國而撫四夷也中式十八人送吏政府選授偽官 辛酉賊焚

太廟奉太祖高皇帝神主入歷代帝王廟。羣情手捧成祖以下  
神主出焚。士民見者莫不飲泣。有父老不勝忿突出哭罵。情漸  
怒。歐而逐之。聞者快焉。燭復收鑾駕庫儀仗。歸大內。候篡位各  
偽官集吏政府議。癸亥登極。雷電震死偽官數人。吳三桂兵  
破山海關。唐通兵盡潰。降于三桂。通僅以八騎走還京。三桂擁  
二十萬衆入關。及關而都城陷。唐通為賊呼。關持吳襄書招三  
桂。不聽。自成令白廣恩援通。三桂襲破關。通兵八千一戰而盡。  
廣恩兵亦潰。三桂縱兵至永平沙河驛大掠而東。駐兵關上。移  
檄遠近討賊。必得太子而後止兵。三桂素以征遼將軍駐兵守

寧遠部下寧遠精兵四萬遠民七八萬皆能戰而募兵數千尤  
雄悍至是頗兵山海乞師於

清朝賊命唐通齎銀四萬犒師別以賊兵二萬守關三桂受其金  
出不意斫殺其衆賊將負傷逃歸 壬戌初濟寧道僉事王世

英以城降賊濟寧粗備世英棄黃希憲南下大張偽示迎賊以  
降 臨淄濟南寇盜充斥行道阻絕 癸亥初賊兵至濟南士

民迎降推官鍾性橫死之 賊選鴻臚偽官三十人民間善大  
殺者皆與焉從伶人借朱袍贊班立人皆胡盧之 山海報益  
急自成調賊兵東援運大礮出城任載絡繹而東 甲子初自

成遇劉宗敏所見庭院拷訊數百人哀號益絕自成曰天氣示  
儆宋軍師言當省刑宜酌放之宗敏所收拷者縉紳二百餘人  
雜流武弁各衙門辦事員役一二十人凡釋千餘人死者過半  
給事中彭瑄郎中李逢甲主事申濟芳五十二人為中吉營李  
過所分拷酷刑不已李巖李年宋獻策皆勸之不聽 陳演梁  
兆陽勸進不允傳諭軍民者老 賊命偽制將軍董學禮將步  
兵一千五百人南下鎮守淮安 乙丑初劉宗敏進拷索銀一  
千萬兩李巖李年刑寬所進不及半以已所有補之人皆稱焉  
其所得侯者十之三宦寺十之三三百官十之二商賈十之二共



七十萬兩中人已如掃揚言獲之大內識者恨之 賊盡釋諸  
繫者陽武侯薛瀛定西侯伏羌伯皆死于夾御史馮垣登以削  
髮被夾三百死錦衣衛鎮撫梁清被夾即死吳履中張鳳翔等  
潛遁南歸 自成召父老至武英殿問民間疾苦李巖疏陳四  
事一掃清六宮請主上退居公殿俟工政府修葺洒掃禮政府  
擇吉期百官迎進大內次議登極大禮命禮政府議定儀制頒  
示群演禮一文除死難歸降外宜分三等貪者發刑官嚴追儘  
產入官抗命不降者追贓既完仍定其罪清廉者免刑聽其自  
輸助餉一各營兵馬仍令退屯城外守塞聽調出征不宜借住

民房恐失民望一與三桂興兵復仇邊報甚急國不可一日無  
君擇吉已定官民仰望登極主上不必興師招撫三桂許以父  
子封侯仍以大國封明太子奉明祭祀世世朝貢與國咸休則  
一統之基可成干戈之亂可息矣自成見而怒不聽東報既  
急牛金星集劉宗敏李燦革議出師倉皇無定諸賊聞東信急  
大懼私相問卜不吉多涕泣自成大犒群賊賊之犯關約  
分京師財物內藏歸自成勲戚歸劉李諸賊帥文臣歸劉宋諸  
臣富戶歸小盜京師得定約封諸臣為公侯伯錦衣衛所諸官  
厚加賞賚因僭位未定逡巡封賞自成見兵心搖動先行大賞

將領人各百兩兵卒人各十兩皆大失所望更賞兵士人各白布四丈青布八丈悉取前三門標布初賊入城懸令秋毫無犯及布散列歸先搜兵器火藥次責供殮女子無夫者強配賊兵姦淫殺戮備諸暴酷貲財既罄猶索飲食如故稍不給刀背馬箠過之往往立斃禁民不許罷市賊入市十不償二挾仇者妄訴外解錢糧至京未納及紳士會卷未清一經發覺酷刑追索大失民望牛金星顧君恩以民情將變告劉宗敏宗敏曰此時但畏軍變不畏民變軍者我所恃以攻取少失意則不為我用若民則我已制其肘腋設有動擾閉門分歛不煩金鼓一時可

盡且軍興日費金若不強取安能辦給金星不能難 坤儀長  
公主避賊周奎家夢見大行帝后唯王承恩侍側帝告公主曰  
已訴上帝逆賊不久滅外人頗傳其語宋獻策私語人曰我主  
馬上天子惜其殺僂太過益造禍耳尚有三年富貴過此恐予  
術未必驗也賊心益搖 廣東解餉銀三十六萬兩寄濟寧軍  
州庫濟寧總兵張六昌領兵劫庫國去二十餘萬遂南下

流寇志卷十二

海鹽彭孫貽鼎侯府君

丁卯初京營李昌齡至泗州淮安巡撫路振飛聞大行之  
集士民告以大故衆皆泣下申嚴軍紀會兵北討

樑以兵劫單縣為義兵所殺平西伯吳三桂移檄至京近

路盡傳賊衆懼門守盡弛南歸各官及避難百姓鶽衣破衲  
偽為推車負擔或為乞丐低頭而出及門遇賊遂回亦多自  
戕命偽工政府鑄金九璽不成偽丞相牛金星以大位未正事  
有中變勸自成速行篡立偽禮政府鞏燭擇十七日即位示諭

百官十二日午門演禮十三日皇極殿演禮十五日頒詔十六日太學行釋菜禮十七日即位文武百官俱往園丘候郊天加袞冕行祀廟定功等禮賊故示從容以寬軍心衆無固志相率謀竄 戊辰自成聚劉宗敏李過于宮中拘銀鍍諸工各數十盤歛庫金及拷訊所得金銀諸器鎔之千兩為一餅中鑿一竅貫大鉄棒凡數萬餅括騾車數千輛馬騾索駝數千疋裝歸陝自成與諸盜多秦人既破京師江南可傳檄下還都關中徐論封賞及平西師至自成翻然改圖曰陝吾父母國也富貴必歸故鄉即十燕京豈易一西安乎諸降大阻潛謀行遁 己巳

自成再集群臣議東征劉宗敏等遂巡未應自成決策親行  
授降臣張若麒偽兵政府尚書隨自成詣劉宗敏諸賊帥教趣  
出兵自成東行之期既定將大學士陳演定國公徐允貞新  
建伯王光通博平侯郭明振清平伯吳遵周永寧伯王長錫平  
江伯陳治都督刻祐周銘周鐸周鉉等共六十餘員斬于西華  
門外陳演已謝病未行賊烽急帝復召演夢着遠游冠騎蒼龍  
上高山巔數人昇金銀一屋予之聞召以為祥私語門人董生  
董生曰不祥也國家多難雖貴極人臣焉有無故為王之理龍  
水族也于高山失所矣困龍也乘之將蹶金銀一屋數人昇之

以趨冥物也夫子宜高蹈矣演不悅城陷數勸進以媚賊卒為所殺。李過盡絞殺中吉營拷訊各官彭瑄李逢申申濟芳等五十三員各捧其尸昇出濟芳入殮復蘇潛載南歸。自成復發不死諸官赴宗敏所縶之坐路側按籍次第殺之二更始釋其餘楊士聰等乃得脫。自成以車馬索駝載美女輜重三更出東直門先發盡以戚畹勲貴婦女給軍令各營利兵仗束裝擐甲以俟啟行。總河尚書黃希憲放舟南下。庚午二十自成命李牟牛金星以老弱守京師自成合劉宗敏李過等步騎五萬聲言十萬五更啟行出東長安門自成簡精七十自隨擎刀



牽馬列長安兩街平明自成出正陽門東宮二王黑衣騎而從  
馬尾相銜都人擁觀無不隕涕自成既出賊臣皆上馬長歌而  
出賊臣宋企郊以下曲躬送之湏臾追軍師宋獻策赴軍中海  
岱齊化二門大開四方羈旅與賊臣潛遁者數萬人肩摩踵接  
相牽而走 辛未時有內臣至南京始知北信已確史可法張  
慎言集高宏圖寓議所主時有路王福王並在淮詹事姜曰廣  
議立福王可法曰在藩忠孝無聞恐難主天下遂巡散 朱國  
弼強取淮庫寄銀十萬兩 自成至通州大驅馬騾三千索駝  
一千馱載輜重歸陝遣羅戴恩將親信萬人監之 都城有貼

私示于西長安街曰明朝天數未盡人思效忠本月二十日共立東宮為帝改元義興都人既怨于賊匿名飛貼滿城劉宗敏常殺飛貼所在居民數十家今貼皇城無可周用法密聞自成偽官知之多錯愕潛遁高縣知縣鞠方起義山東山東自撫標梅中軍叛降賊後賊騎充斥殺人如麻乞丐不免方漢中人在陝從軍數與賊戰射中自成肋以功除高縣具智略養死士倡義山東布告遠近備述李賊不足畏及秦中縉紳戮辱狀皆如都中東南縉紳宜同仇共奮勿惑浮言遠近響應密雲副將張減率所部兵至昌平城繫血書于矢射城中于是生員孫

繁祉同鄉官王廷授舉人楊茂春監生白紳生員楊應震毛應元鄉民白希顏等倡義減于五月朔攻城城中響應自卯至午與賊戰斬級百餘生禽一百二十墜城死者亡其奪騾馬六十匹隨于次日同赴長陵祭真縛賊渠李道春周祥磔之以偽官劉愷澤等四人獻俘于崇禎皇帝陵墓之側亦磔之具文哭奠焉出肅松錄壬申自成兵至密雲新城土賊王銘盤有衆數千橫行韓家村一路王韓張三大姓舉義兵合衆數千賊至襲破之銘盤掠舟西入海偽淮徐節度使呂弼周以淮揚巡按王變其門人也携偽恭將王富赴淮之任變命游擊駱舉迎縛之

劉叱使跪弼周罵曰汝竟不識人耶劉曰亂臣賊子我焉識之  
詰以先帝東宮所在弼周不答因縛送巡撫路振飛置之驛亭  
集射者鳴角伐鼓振飛舉觴勞路舉簪花立縛弼周于柱命射  
者五人為朋去二十步射中者賞銀牌一不中者退射者盡乃  
弼之 劉初任祥符令三守危城才識胆畧超絕在淮極著勞  
績集義勇至二十萬 癸酉計自成簡輕騎至永平發天津米  
海運濟兵餉

甲乙彙略曰癸酉賊驅騾馬索駝載金銀往陝西舊有鎮庫  
金積年不用者三千七百萬錠金一十萬錠：皆五百兩每

駝<sup>乾</sup>二鉉不用包裹

甲戌以自成兵至永平總督王永吉棄其軍將三十騎間行南下平陽進士王道成降賊為青州防禦使單騎赴州城中懾服不敢動銜藩出走乙亥以自成益調兵攻吳三桂三桂嚴兵壁闕城自成合兵十餘萬攻之更發兵出一片石夾攻闕外三桂懼不勝先已乞師于闕外三桂舅祖大壽久降于

清與舊督洪承疇共請于墨勒根王<sup>即九</sup>發騎兵五萬英王將萬騎為左翼入西水關豫王將萬騎為右翼入東水關九王自將三萬騎駐歡喜嶺張旗幟徧山頭還為聲援按兵不進詰朝將

戰賊兵益集三桂懼將數百騎突圍出關外入滿營見九王九王喜約進兵擊賊三桂復入關盡期刻日決戰丙子  
九月三桂與賊戰關內關兵奮擊賊殺傷甚衆賊分道並進日  
暮乃罷牛金星守京師東報急人心思亂大索兵器于城中  
嚴門禁淮安巡撫路振飛追糧艘七百回清江口丁丑仁  
吳三桂大破賊于關內自成宗敏知邊兵勁成敗決一戰驅衆  
死關三桂悉銳鏖戰無不一當百自成益驅群賊連營進大呼  
伐鼓震百里三桂兵左右奮擊殺賊數千賊鱗次相搏前者死  
後者復進賊衆兵寡三面圍之自成挾太子登廟岡觀戰關軍

兵東西馳突賊以其旂左縈而右拂之陣數十交圍開復合自成按轡高岡上見白旂一軍繞出三桂右萬馬奔騰不可止自成麾後軍益進有僧跪于馬前曰彼旂白者非關寧兵也大王急避之白旂所至風捲潮湧皆披靡莫能當自成鞭馬下山去諸賊聞良久莫敢進退塵開見辮而甲者賊驚呼曰滿兵至矣賊衆奔潰墜戈拋弓矢自相踐數萬人關兵滿兵分道乘之殺其將領十五人奪輜重亡篲自成率精騎數千疾走走永平賊帥收散亡歸永平得數萬 戊寅廿自成駐兵永城平使張若麒赴三桂軍議和三桂曰歸我太子二王速離京城使鍾虞如

故而後罷兵自成請全師至京送太子赴軍前三桂許之按兵  
山海關自成拔營而西

甲乙彙略曰丁巳唐通齋吳襄書詣三桂啖以父子封侯且  
言太子在軍中三桂驚喜願一見太子即降報書復命賊許  
之以定王往戊寅自成駐軍永平三桂使人議和并請太  
子自成命張若麒奉太子赴三桂軍中請各止戰三桂約賊  
速離京城即將太子即位自成如約就盟遂旋師三桂頓兵  
不進賊得旋師入京癸未自成旋師回京三桂棄定王  
子永平專奉太子整軍東行移檄遠近自成怒殺吳襄家二



十四口

按談冠若甲乙彙略謂自成初奉定王入三桂軍中以謀和  
既又奉太子入三桂軍中以罷兵又謂三桂棄定王于永平  
奉太子整軍入京皆謬也自成集驚多謀既已喋血都城逼  
殞帝后率王戴天皆我仇敵豈復有可殺和之道哉中原無  
主太子二王奇貨可居我挾之以制海內忠臣義士之死  
命有所忌而不敢動苟委之強敵則奉太子縞素以誓軍四  
海同仇咸思剗刃用兵以來孤人之兒寡人之婦亦多矣固  
知禍至之無日也自成整兵赴永平必使太子與俱則自成

籌之熟矣、苟太子不歸、則勢不能不別有所奉、或各帝一方、我徐收螭蚌之利、是亦一策也、先是奉太上而南歸也、以中國之已有君也、所謂抱空贄而負不義于天下也、和世疎之、遠居漠北也、則太弟不妨暫立、恐諸王之別有所謀也、初歸定王、既歸太子、皆非賊之所利也、以自成之狙詐、諸賊目之聚謀、豈遂出此也、三桂之稱奉太子入都也、三桂之權也、所以內係都城臣民之心、而巧為

大清驅除也、此三桂之兵機、而非其實也、冠若何為昧昧于此也

乎

魯王避難南行總河尚書黃希憲總兵于永綬聯舟至淮安

江南無主紳士屬望在路王高傑劉澤清移文路振飛問所奉  
振飛曰議賢則亂議親則一現在親藩惟福王在有勸振飛奉  
王入南都若振飛一動則淮安大事去矣南都集議路王倫序  
稍踈惠王道遠難至惟福王在近倫次最親宜立鳳士馬士英  
移文書史可法謂福王以序以賢宜正大位檄高傑劉澤清以  
兵南下令黃得功劉良佐等合詞擁戴其議乃定 己卯廿高  
傑擁兵逼揚州史可法治兵防浦口 庚辰廿吳三桂整兵向  
京師一路移檄布告遠近自成兵聞風潰散 辛巳四劉澤清

以兵下盱眙移文淮安撫按請赴淮集議路振飛王變嚴兵守  
河上澤清不得下賊將郭之緯張國柱等七人步騎萬餘至  
濟寧分守兗西僉事王世英率士民納款迎賊壬午<sup>廿五</sup>吳三  
桂追襲自成甚急自成先遣親信馳入京偽禮政府榜示主上  
不日東還各衙門速備登極儀物癸未<sup>廿六</sup>自成入京師吳三  
桂兵長驅逼近畿移檄諸降賊臣反正自贖自成怒囚吳襄驅  
百姓毀崇文宣武二門外民居數萬間并牛馬墻稍遲即殺  
數萬人三桂兵壓境自成令劉宗敏李過李巖連兵十萬八營  
出拒敵唐通為前鋒兵始交泰將馮有威援矛刺通墜馬宗敏

等連營進滿兵突出射宗敏墜馬賊爭救之昇而逃闔兵滿兵  
乘勝連拔八營斬首二萬群賊拔營昇宗敏通奔入城三桂兵  
至城下自成令二賊挾吳襄乘裡呼三桂諭降闔兵抽矢射殺  
挾裏賊皆反墜自成怒盡殺襄家三十八口梟裏頭高竿懸城  
上三桂披髮墜鞍踣地哭三軍咸憤怒拔刀斫地誓殺賊賊  
將郭之緯索廣東寄濟寧庫銀前為提兵積文收朱知州酷刑  
拷訊知州同弟姪皆自盡收大小文武官僚紳士富民勒賠銀  
四十八萬兩械鎖滿城人不堪命甲申京城黃沙黑霧漲  
天咫尺不見三桂傳諭都城士民為帝服喪擁立東宮反正自

成括馬騾車輛載輜重藉京城丁壯輓車牽馬劫之西去乙酉心德州諸生謝陞起義兵殺偽防禦使閻傑偽州吳徵文徵文至州徵餉暴酷勒大學士謝陞助餉十萬餘宦第差無一免者謝陞與御史盧世瀛千戶賈飛明經馬元驥潛相結謀推慶藩宗室朱帥欽為主帥欽任香河知縣棄官走吳橋為傑所獲囚於德州德州俗傳二十八日行瘟使者降辰陞等令好事者於城外結臺演劇賽神士女傾城出觀賊兵亦出陞等閉城一呼士民俱起殺傑及徵文出帥欽于獄權稱濟王移檄遠近一時殺逐偽官來歸者四十餘州縣福王至南京丙戌旭李

自成篡位追尊七代考妣為帝后偽丞相牛金星代行郊天禮  
六政府各頒一赦書稱大順元永昌元年自成加袞冕列仗受朝  
牛金星以下咸就列劉宗敏扶創出平立不拜曰爾我同為饗  
馬約富貴共之今日何拜也偽官皆拜宗敏不得已二拜而起  
魏學濂自縊死賦絕命詞曰忠孝千古事于我只家風一死  
輕鴻毛臨難須從容有血麗微軀宮卑非待中有舌且存之并  
遜常山公因約全志友延頸受霜鋒不能張空拳與彼爭雌雄  
不能奉龍種再造成奇功死且有餘罪何敢言丹衷所痛母垂  
白七十仍尸褻未塋凡五喪留與子孫封人生誰百年壽天死

所同我此兄與弟我生獨為豐高堂無復悲譬不生阿儂辭母  
却就父生死猶西東骸骨雖不歸即瘞此詩筒墓木有拱時清  
韻入楸松君子讀之有哀其志而原其心焉

彭子曰吾聞之友吳蕃云學瀟與孟章明同年進士章明見  
學瀟自失曰觀子文章經濟若此我輩者進賢冠豈人也茲  
市檀笈丐瀟染翰作山水并題一詩章明珍之為士類傾服  
逮交河殉國章明從容以從君父學瀟乃隱忍焉士窮見節  
義信夫至于賊勢衰落悔而殤身祈晚蓋也悲夫然猶賢于  
喪君有君者為死而可作使我負慚于伯昭



賊驅馬驟負薪聯車載硝黃入承天門衆知火將作洵懼自成  
令各營東行裝利刀仗夜揭偽榜諭百姓出城二更火作沙  
穀衝衝漆工包傭聞吳太常殉節為之漆棺工竣不取一錢曰  
我雖賤工固大明百姓願為忠臣役何錢為見宮中火起延燒  
太廟呼曰我家天子祖宗一燬已乎躍入井中死給事中吳  
甘來櫬居窮巷火延入居人爭負櫬出燒死一人丁亥亡李  
自成西奔二更縱火宮中須臾九門雉樓皆然復燒城外草場  
光類白日五更自成挾太子擁衆出齊化門令左光先谷大成  
將萬騎為殿劉宗敏創甚不能騎四賊昇以行降賊偽官令從

行以兵護之江南人士紛然南竄楊觀光謀遁走賊兵叢刃擊之死而復甦乃逃去薛所蘊以宋軍師令得脫宮中火作百姓知賊走必肆屠僂各出器物縱橫堆塞銜銜擲床几扉板礙大道奮槌大呼殺賊京城內外百里同噪飛瓦拋石兒童婦女盡擊鉦鼓鳴銅漂助之或突出小巷狙擊賊人馬相驚自相踐踏死者萬餘無心戀戰而走九門火甚餘賊數千東西馳突奔馬拋弓分竄吳三桂知賊屢敗必西走設疑兵于西山取酒甕數千實以石灰夜埋齊化門道上每數尺置甕甕上覆浮土賊萬馬奔馳甕穿陷走馬足馬驚踣後騎相壓塵漲蔽天石灰

迷目疑兵遠噪驚之賊陣大亂三桂望城中火起知賊走遂勒兵繞城而西賊為都民遮擊後軍不復成陣追奔三十里及之不戰而走賊騎負重不能馳追躡既急盡棄輜重婦如自蘆溝橋至固安盛甲衣服盈路三桂徐收所得逾數百萬賊乃得逸走百官迎福王于丹次王角巾葛衣坐寢榻舊枕敝衣無帷幃從行田成諸人布袍革履不勝其苦五月戊子朔福王至南京謁孝陵詣懿文太子寢園而後勸進吳三桂傳諭軍民迎太子入繼大統士民鼓舞相慶或云三桂請護太子入都清帥不許三桂夜送太子于高起潛所或云潛逸民間陰導之入

皇始寺 御史曹溶奉敕出獄而都城陷潛踪以免賊既西走  
西城居民奉溶為主溶自署城西巡視設崇禎帝位于都城隍  
廟率梁兆陽孫承澤高爾儀等發喪哭臨故御史張懋爵柳寅  
東韓文銓朱朗鏢各自署五城御史百姓多質成焉 城中匿  
賊千餘閉門大索每獲一賊必支解鬻割于市有一父老禽一  
朱衣賊寸剗之剖心以祭帝因生噉焉宮中餘火未息久之大  
雨火滅殿宇半燼惟存文華殿大明門正陽門 京師米甚諸  
商合資為吳三桂家治喪每棺衾費百金 己丑初閏兵滿兵  
入京師降賊諸臣見賊敗多謀南遁及見平西撤許反正擁立

東宮諸臣皆留不行吏部侍郎沈惟炳戶部侍郎王鰲永錦衣衛指揮駱養性倡率故臣設宗廟崇禎位于午門行哭臨禮卷性備盞儀法駕百官隨鹵簿迎太子于朝陽門外甲騎數萬及都門百姓皆傳吳將軍護駕至百官望塵伏道左止輦仰視則大清九王也百官相顧驚異闕寧兵已前驅疾走入都門城上盡立白旗矣九王入居武英殿吳三桂及賊子定州賊還兵闕三桂擊破之西走福王住守備府群臣謁見王遜避史可法言殿下宜正受誠意伯劉孔昭及諸勲臣人人德色無復巽下群臣上箋勸進攝禮部呂大器跪上第一箋王傳旨暫領監國餘

餘所請不敢當百官退少頃復上第二箋王手批答仍領監國

庚寅初群臣上監國寶王行告天禮攝監國事大赦天下監

國諭曰我國家二祖開天昭宣鴻烈列宗績緒累積深仁歷今二百七十餘年民自高曾以逮孫子世享太平代受亨育其在  
大行皇帝躬行節儉勵志憂勤宵旰十有七載力圖勦寇安民  
昊天不弔寇虐日猖震驚宮闈闕龍馭升遐嗚呼慟哉賊屠戮我  
臣工殺掠我百姓滔天之惡蓋載不容神人共憤孤避亂江淮  
驚聞凶訃既痛社稷之墜益激父母之仇矢不俱生志圖必報  
然度德量力徘徊未堪終夜拊膺悲泣永嘆乃茲臣庶敬求來

迎謂倡義不可無主神器不可久虛因序謬擢連章勸進固辭  
未獲勉徇輿情于崇禎十七<sup>年</sup>五月初三日暫受監國之號朝見  
臣民于南都孤夙夜兢兢惟思迅掃妖氛廓清大難上慰在天  
下對四海忠孝之道庶幾無負祈遐深愆敢不殫力德涼任重  
如墜谷淵同仇是助賴爾臣民其與天下更始可大赦天下嗚  
呼自有乾坤鮮茲喪亂之禍凡為臣子誰無忠義之心漢德可  
思周命未改惟爾臣民尚其勗哉匡予不迨 頒大行哀詔于  
天下監國諭曰嗚呼惟予小子涼德未堪國家多難昊天降此  
鞠凶嗚呼痛哉維先帝以天挺神資丕承祖宗宏緒國步多難

民生日蹙而勤學力政罔有休暇念茲在茲無時或怠自有生  
民以來未有如先帝之焦勞者也不期以禮使臣而臣忍以不  
忠報以仁養民而民忍以不義報曩倫攸歎自有生民以來亦  
未有甚於今日者也妖氛日熾戮我赤子辱我宗藩毀傷我陵  
殿四海人心莫不欲滅此而後朝食乃先帝愛惜愈加招撫彌  
切至于餉初增而復減將已敗而仍收官極貪酷而仍用無非  
欲化頑為良撥亂為治嗚呼痛哉何皇天不弔遂有三月十有  
九日之事爰及國母慘變殊常貽羞千古孫孤雖渺質血氣猶  
存暫應監國益切除先謹告哀于臣民庶憐予而多事助知爾



同心淒感何切 九王下令難髮垂辮並錄用先朝才能有用之士 吳三桂及賊于定州北清水河岸偽都督谷大成麾兵還戰賊飢疲不戰自亂大成連斬却者數人立營終不能定三桂長驅奮擊賊兵奔潰斬谷大成禽守禦三人殺賊數千奪婦女二千左光先馳救之關遼兵乘勝爭奮長刀斷馬足光先墜折足易馬進不能騎負而逃盡棄輜重獲金銀七百餘餅器械馬騾亡算滿兵繼之追奔十五里三桂屯定州遣使告捷定州士民憤偽官徵餉酷遂斬偽州牧董復函首迎三桂三桂以谷大成頭望祭父墓泣血盡哀以輜重散三軍招降賊萬餘 辛

邠初九王盡騎走城外留千騎宿衛殿前徙近關東西二三里  
居民空其室以屯滿兵 李自成走真定賊既累敗諸賊知關  
無成畏關兵銳逃竄益衆牛金星李巖亦懷二心自成之濟河  
而東也雄邊勁鎮無不摧滅長驅數千里未嘗小衄三桂乃數  
勝之子女玉帛多為所奪自成深憤之親勒精騎還擊三桂三  
桂兵張兩翼以進東西掩擊殺其大將三人斬首萬餘自成大  
敗走回真定三桂兵合營息馬乘休士卒

流寇志卷十三

海鹽彭孫貽羿仁氏著

壬辰初自成兵攻吳三桂三桂接戰自辰及晡兵數交互相殺傷東風大作黃沙蔽天賊殊死鬪關兵滿兵番休戰自成知不能勝漸引卻關兵射自成墜馬掖之馳還營創甚卧民舍居人怨之盡挈妻子逃自焚室廬賊夜移營終夕數驚不能止拔營西走度故關入山西三桂兵逐之及關而止高傑兵大掠江北聲言欲送家口頓江南約劉澤清刻日南渡史可法遣職方司主事萬元吉齎戶部銀一萬兩前諭各鎮以張應元為承天

總兵 癸巳<sup>六</sup>初九王令北都群臣為崇禎帝設位帝王廟哭臨  
三日故御史曹溶朱爾鏞等因九王有照舊之令自相部署熊  
文舉楊枝起等倍位哭臨九王召李明睿為禮部侍郎典司謚  
號祭葬上崇禎帝謚曰端黃帝廟號懷宗上后曰烈皇后

本朝內院范文程訪歷朝實錄名詞林各官高爾儼應命議修  
崇禎史爾儼<sup>請</sup>盡召翰林諸員因召何瑞徵高珩李呈祥等于是  
百官投遞職名者絡繹至故督臣洪承疇入京哭臨帝喪議改  
葬梓宮士民樂從無不哀泣尋令造葵陵衆以田皇妃墳弘敞  
壯麗已葬帝后因命思陵 死節倪元璐家人投狀范文程請

扶喪南還文程遣官持令箭送至張家灣倪夫人肩輿出城無  
敢阻者于是死難諸臣之喪次第給文南還 兵部職方司主  
事凌駟起兵臨清侍郎張鳳翔走東昌起兵應之河北山東郡  
縣各起兵殺偽官居庸巡撫何謙亡命過德州朱帥欽留之共  
事潛遁南還 兵部職方司主事萬元吉奏揚州臨淮六合所  
在兵民相角兵少紀律民更乖張民以兵為賊兵以民為叛臣  
雖愛有民之心愧無彌兵之術 甲午<sub>七</sub>初衡王募兵殺偽官復  
青州東輔響應

大清封吳三桂為平西王薊州監軍道方大猷隨三桂降守通州

楊仕聰其座主也携家南還大猷護之出都 乙未初劉澤清  
擁兵逼臨淮 應天巡撫鄭瑄移師駐鎮江 初寇倣急思陵  
考選諸臣行取濬縣知縣王孫蕙伏陛慟哭言君辱臣死之死  
思陵動容注受吏部及都城陷孫蕙偕同里秦汧趙玉森張琦  
等謁宋企郊蕙袖出表有云燕北既歸宜拱河山而受錄江南  
一下當羅子女以承恩企郊閱而嘉嘆授偽長蘆鹽運使賊令  
赴任外官家屬留京師蕙有嬖妾包氏不得已留之出都書藍  
旗二曰欽命督鹽金緋鼓吹前導至德州忽見城上大明中興  
旂義兵截殺偽官無得過者皇遽碎旂毀憑徘徊旅舍後至者

言自成西竄始決歸計夜半棄行李潛為乞丐間道過德州渡淮至江上聞南都再造潛赴金陵交戚皆不納更裝為商居飯肆中且揭托同年致大學士姜曰廣曰廣抵于地曰逆自來就死耶孫蕙聞之遁歸無錫紳士華允誠吏部主事等刊揭共攻之丙申初九馬士英自請入朝拜疏即行端王避兵入重慶府閩南道陳繡及隴右士大夫挈家行從之丁酉初十左良玉復德州安隨州戊戌十一監國命改趙光遠鎮守四川總兵官如能恢復秦中即與世守蘓州士民焚掠項煜錢位坤宋學顯湯有慶家燬既南竄過江潛入勸進之班吳中士大夫並起攻之

薦紳王之心徐汧等揭曰古人有言主辱臣死未有天子殉社稷而群下可偷生未有北面事賊而可托言起義項煜從逆照然煜事先帝四品官詹不可謂非大僚且講官也受主殊禮亞于輔臣而先帝何在而煜蒙面偷生其肉不足食矣賊陷京師殉節而外非被拷掠即汧偽命無一人得脫煜獨何微而得逍遙歸里唐肅宗以六等定從逆之罪崔器呂諲且謂準律皆當處死宋李綱以十事陳高宗謂國大變鮮仗節死義之士而受偽官者不可勝計宜仿唐六等定罪以厲士風夫元宗西奔徽欽北狩不知國君死社稷之義也一時賢臣猶且申國家之法



嚴亂賊之防。況乎先帝守國就義甚烈。講讀之官。隱忍苟活。已不容于誅矣。況其委身事仇。確乎其有據乎。心一等不敢遽形章奏。以清宸聰。惟是在鄉言鄉。不容不伸大義。吳郡禮義之邦。乃從賊纍纍自燬而外。若錢位坤等。不止一人心竊愧之。然未未有臬鏡公行魑魅。盡見如燬者。登朝無顏。共列冠裳。在野何忍同居里左。存斯公議。仰俟刑誅。諸生袁良弼等亦紛刊檄聲討。應天巡撫祁彪佳奏江南亂民。借忠義為民名。飛檄交騰。搶掠不已。臣已臬斬其三杖斃其一。勦亂不如彌亂。今日從亂諸臣。若不早定逆案。恐小民必借以為口實。相聚以為亂者。

大行哀詔至吳：中人士奔哭呼號。蘓州三學生員先已設大  
行位于明倫堂，哭臨詔至金壇，金壇諸生發哀，日相率詣學宮。  
鄉賢祠毀，周鍾祖于德，吳履中父應鰲神主復至。周鍾呂兆龍  
家毀其門榜，周吳二氏訴于學師。學師集諸生諭之曰：朝廷自  
有國法，不當辱及祖父。其仍立神主，以聽處分。諸生曰：兩家祖  
父原無功德于世，因子孫貴顯，以躋祀典。今子孫從逆，則祖宗  
豈宜更辱宮牆？己亥，吳三桂以兵還京師。侍郎潘士良  
糾合都司李允和統鄉兵，攻拔濟寧城，執偽防禦使張問行，偽  
掌旅傅龍及劉運司任州牧，并降賊充西道僉事王世英等士。

良權知總河 庚子江史可法請設淮揚廬泗四藩鎮以守江北 馬士英由淮赴江達南京舟一千二百艘王爌住清江浦令淮安義兵排列兩涯不許一舟停泊一人登岸凡三日乃畢 壬寅<sup>五</sup>監國福王即帝位于南都以明年為弘光元年 潘士良為大行發喪于濟寧設大行位于州衙率士民哭臨縛偽官張問行等生祭畢斬首瀝血懸頭南北關 高傑縱兵殺掠揚州士民閉門拒之傑兵攻互相殺傷進士鄭元勳詣傑營講解議移傑家口于城中兵屯城外士民疑元勳勾傑入城殺元勳巡撫黃家瑞副使馬鳴騷不能禁鳴騷走泰州 癸卯<sup>六</sup>偽

兗州防禦使劉洵偽兗州童府尹偽汶上李令自濟州寧赴兗  
州義兵全都司李允和執之史可法以聞 李自成遣偽將劉  
曰恭以偽勅五道招靖南伯黃得功總兵高傑劉伊盛提督劉  
肇基徐大受得功屯儀真副將馬得功執曰恭送得功得功以  
聞 乙巳賊犯清河口巡按王爌總兵石磊以兵禦之燒賊  
船遁走 高傑困揚州劉澤清屯瓜州縱兵掠黃得功兵至天  
長傑澤清謀合兵拒之監軍萬元吉馳書報得功期共獎王室  
得功答書願連橫諸將共討賊元吉示傑等兵稍戢 進封黃  
得功左良王為侯封高傑興平伯劉良佐廣昌伯劉澤清東平

伯史可法督師江北陸離命文武百僚郊餞 丙午九史可  
法奏請劉肇基子永綬李棲鳳卜從善金聲桓諸將隸標下  
丁未仁史可法薦舉人李遠主事何剛軍前監紀 叛將李承  
勛掠江北王奕禦却之 庚戌<sup>三</sup>偽淮徐防禦使武懷過宿遷  
借偽官董學禮兵千人至沛縣殺言提兵二十萬取淮揚諸路  
分守徐州副將劉世昌高鎮副將李有成奔徐州走淮安懷傳  
檄徐州取軍民文冊期癸丑赴任士民驚擾舉人閻爾梅碎其  
檄士子<sup>五</sup>武懷赴徐州執閻爾梅<sup>下</sup>獄爾梅作詩死于獄中或云  
爾梅變姓名隱居山中未知孰是以俟參考 巡撫路振飛巡

按王夔監軍岐鳳兵備范鳴珂分布將領趙彪張雲冲徐人  
杰沿途設伏潛約徐州衛指揮王文明內應一時掩殺擒擒檻  
車傳至南京遂復徐州鹽城將士會宿遷士民禽偽將董學  
禮及從賊十三人獻于淮安巡撫路振飛悉斬之癸丑六  
月寧泰將丁啟光歸德知府桑開第合兵禽河南偽同知陳膏商  
邱令賈士偽拓城偽令郭經邦鹿邑偽令孫澄定陵偽令許承  
考城偽令范售夏邑偽令某俘獻南京常熟士民焚降賊偽官  
時家剖其三代四棺丙辰九封吳三桂薊國公世襲加賜坐  
蟒一襲紵絲八表裡銀二百兩戶部發銀五萬漕米十萬督師

輔臣令沈廷揚齎送軍前以獎忠義盧世瀛加京卿職銜紵絲  
二表裏銀二十四兩 六月丁巳朔 己未初史可法奏請使  
臣齎監國即位二詔賜吳三桂謝陞并勅諭北直山東士民  
長洲生員許琰聞京師陷帝后升遐悲號欲絕遍體崇禎皇帝  
四字絕粒七日死 辛酉初史可法奏淮人碎賊檄斬賊使集  
義兵二十萬宿遷民亦禽斬偽官請獎敘以勸忠義馬士英奏  
北方誅逆功加遼東巡撫黎玉田兵部尚書御史盧世瀛太常  
寺卿舊輔謝陞上柱國 壬戌初上大行皇帝謚曰紹天繹道  
剛明恪儉揆文奮武孰仁茂孝思宗烈皇帝皇后謚曰孝節貞

肅淵恭莊毅奉天靖聖烈皇后 劉良佐開鎮臨淮士民不服  
治兵相攻 甲子初惠王流寓肇慶府 丁卯一大學士馬士  
英奏縉紳貪橫無恥至先帝末年而已極結黨行私招權行賄  
國事敗壞禍及宗社逆賊入都死節寥々降賊者強半侍從清  
華之選素號正人君子皆稽首賊廷身汙偽命如科臣光時亨  
力阻先帝南遷身先迎賊冀以享降賊之後每言小妾不許他  
死他如陳名夏項煜等不可枚舉又大逆之尤如庶吉士周鍾  
勸進不已上書于賊勸其早定江南昨日病中鎮臣劉澤清來  
見誦其勸進表有云比堯舜而多武功邁湯武而無慚德又言



其過先帝梓宮揚揚竟不下馬故臣聞之不勝髮指其諸父周應秋周維持皆為魏忠賢走狗鍾為閹賊忠臣集獍聚于一門逆案鍾于兩世宜加赤族之誅以為臣子之戒至其同產弟周銓尚側衣冠之列從弟周鏞儼然寅清之班均當連坐以清逆黨乞勅法司嚴行提問依律正法其餘從逆苟免諸臣分別定罪庶國法伸而人心儆新政不無少補矣奉旨北京陷後凡稽首賊庭身汙偽命光時亨龔鼎華陳名夏項煜等并其餘從逆苟免諸臣科道官逐名嚴覈公同具奏以憑法司定罪馬士英又奏東平伯劉澤清揭報北來難民稱滿兵五月初一日追

賊至京出示云

大清國攝政王令旨諭南朝官紳軍民人等知悉曩者我國與爾  
明朝和好永享太平屢致書不答以致四次深入期爾朝悔悟  
耳詎意堅執不從今被流寇所撼事屬既往不必論也天下者  
非一人之天下也有德者居之軍民者非一人之軍民也有德  
者主之我今居此為爾朝雪君父之恥破斧沉舟一賊不滅誓  
不反國凡爾臣民如能率先歸附即與爵祿世享如有抗違不  
遵玉石不分盡行屠戮有志之士正幹功立業之秋如有失言  
將何以服衆乎特諭臣觀此示不知中國有主宜速遣文武二

臣頌詔北行以安民心 己巳<sup>三十</sup>令太僕寺少卿萬元吉  
往臨淮調戢軍民 庚午<sup>四十</sup>以副總兵吳志葵鎮守吳淞 張  
獻忠陷涪州<sup>初</sup>獻忠陷夔州<sup>舊</sup>撫陳士奇出兵扼重慶巡按劉  
之渤守成都二月賊在萬縣水漲不得上留屯三閱月兵民皆  
逃賊誘以降者不殺既出悉驅之入水驍賊十餘萬置橫陣四  
十里兩岍步騎夾舟進安行以入涪州守將曾英守道劉麟長  
土著趙榮貴扼江守涪賊至榮貴走英與賊戰而敗退兵望州  
閭賊乘勝追之英手殺數人跳而免與麟長遁入川南隨陷瀘  
州知州蘓瓊死之 辛未<sup>五十</sup>路振飛罷以田仰巡撫淮揚 工

部主事李逢申為賊刑辱而死其子李燮留京師為

清朝中書九王命作檄諭江南曰予聞不共戴天者君父之仇救  
災恤患者鄰邦之誼惟爾太祖高皇帝斥逐胡元剪我仇國永  
世宥民代有哲王迄乎末造吏偷民窮羣盜滿野然大行崇禎  
皇帝秉恭儉之心宏仁孝之行德高世替惟日不寧蠢茲逆賊  
李自成狗盜之雄鴟張獸視忘累世之深恩逞滔天之大惡蹂  
血京師逼殞帝后焚燒宮寢流毒播紳以金銀為營窟視百姓  
如草菅皇天震怒日月無光我

大清皇帝義切同仇用伸大義六師方整蟻聚忽崩斬馘虜迹川

盈谷量予用息馬燕京撫茲黎庶為爾大行皇帝縞素三日喪  
祭盡禮謚曰懷宗端皇帝陵曰思陵梓宮聿新寢園增固凡諸  
后妃各以禮葬惟爾率土臣民所欲致情于大行皇帝者我  
大清無不曲體其誠有崇靡缺宗藩之失職流離者為爾存恤士  
紳之忠節死難者為爾表揚輕繇薄賦用賢使能苟濟生民惟  
力是視深慟爾明朝嫡膺無遺勢孤難立用彰我

大清宅此北土厲兵秣馬必殲醜類以靖萬邦非有富天下之心  
實有救中國之計咨爾河北河南江淮諸勲舊大臣節鉞將吏  
及布衣豪傑之懷忠慕義者或世受國恩或新膺異眷或自矢

從玉皆懷故國之悲孰無雪恥之願予皆不吝封賞特與旌揚  
其有不忘明室輔立賢藩戮力同心共保江左者理亦宜然予  
不汝禁但當通和講好不負

本朝永懷繼絕之恩以敦睦鄰之誼其有量力不敵北面歸誠者  
各蒐勁旅佐我西征或削平所屬餘賊用以自効無不開懷延  
納樂共功名來歸之士蠲復二年與民休息若國無成主人懷  
二心或假立愚弱實肆跋扈之邪謀或陽附

本朝陰行草竊之奸詭此皆民之蠢賊國之寇仇俟守定三秦即  
移師南討等彼鯨鯢必無遺種嗚呼順逆易判勉忠臣義士之

心南北何殊同皇天后土之眷 敘濟寧禽斬偽官功以李允  
和為游擊將軍 蜀王告急請濟師 壬申<sup>十六</sup>監軍太僕寺少  
卿萬元吉請旌戰歿總兵猛如虎 張獻忠自瀘州順流犯重  
慶 甲戌<sup>十六</sup>湖廣巡按黃澍奏故巡按湖廣御史劉祚熙城陷  
被執殉節永福舊撫王聚奎棄地逃回會城日惟賍罰為事新  
撫何騰蛟至乃扁舟東去請分旌罰以厲死綏 乙亥<sup>十九</sup>張獻  
忠衝佛圖關破之遂圍重慶 李自成自井陘入故關吳三桂  
還兵京師自成屯平陽分守山西諸隘以防滿兵益發關中兵  
西略漢中 自成西走勢稍衰賊臣多道亡河南山東義兵盡

殺偽官李巖知關無成常怏怏聞丁啟光盡殺歸德諸偽官自成召諸賊聚諸謀李巖請兵二萬復河南郡縣自成未應諸賊退自成密召牛金星曰李巖有梟雄之姿假之以兵使其得志難于制矣金星曰河南巖故鄉以兵予之舉中州之豪傑爭衡天下事勢將不可知巖與主上同姓十八孩兒之識常以自負今聞河南亂輒自請行其志可恣不若因而除之次日自成召巖發兵置酒餞之伏壯士殺之席上巖年俱死自成盡發關中兵攻拔漢中趙光遠降全陝俱陷宋獻策聞二李之死扼腕憤嘆劉宗敏按劍切齒罵曰我金星即手劍斬之是以文武不和



軍士解體不復能軍 丁丑一廿馬士英請亟獎趙光遠給空札  
百道不知其已降賊也 戊寅二廿重慶陷獻忠圍重慶城中悉  
力拒守四日而陷獻忠執瑞王將高之天雷大震獻忠大呼曰  
天亦雷霆令我不高瑞王耶必高王天其奈我乎何雷旋止磔  
王闔宮死之拷掠舊撫陳士奇死知府王行儉巴縣知縣王錫  
被殺盡僇官吏將士屠重慶復取丁壯萬餘割耳鼻斷一足驅  
徇各州縣兵至不下以此為令如能殺王府鄉紳封府庫以待  
則秋毫無犯所至郡縣望風俱下 己卯三廿順天巡撫楊鶚浮  
海至自歸于朝 壬午六廿進謝陞上柱國少師盧世瀛工部右

侍郎黎玉田兵部尚書王應華光祿卿充山陵使祭告先帝后  
祔塋 癸未<sup>七</sup>王師入德州盧世潛迎降濟王朱帥鈞死馬元  
駟奔南京謝陞亦仕北 乙酉<sup>九</sup>

大清令李建泰招凌駟為山東巡撫駟奏聞 清固山兀真石漢

同吳三桂下山東 七月丙戌朔賜殉難御史王章謚忠烈簡

討汪偉謚文烈 清兵收山東臨清石漢至德州張鳳翔奔東

昌南奔 丁亥<sup>二</sup>初命巡撫御史黃澍規復承襲

大清遣使詔諭南都張鳳翔楊士聰附載南下 戊子<sup>三</sup>初命四鎮  
率所部赴督輔軍前調用四鎮不奉詔 庚寅<sup>五</sup>初方大猷遣人

送楊汝誠張維機自濟寧南還 壬辰初惠王桂王駐廣西魯

王潞王周王崇王駐浙東 癸巳初以范鏞巡撫貴州以四川

巡按劉之勃巡撫四川以御史米壽圖巡按四川 甲午初以

李際劉洪起為總兵官防禦河南 命刑部勘北京從逆諸臣

倣唐以六等定罪 丙申一真定知府邱茂華南歸自稱効死

固守不從賊 戊戌一李自成發兵出潼關下河南李際遇禦

却之 庚子五以開封府推官陳潛夫為御史巡按河南 癸

卯一賜死難山西巡撫蔡懋德謚忠襄隨州知州王素謚忠愍

甲辰九自成屯平陽整兵濟河而南盡徙太原潞安縉紳富

室于西安 乙巳<sup>十二</sup>遣降將馬科至四川招降保寧一路 丁

未<sup>廿</sup>閩賊遣宋朝臣犯杜勝集兵部主事邵獻珂令標將張成  
初將鄉勇擊賊桃源破之斬宋朝臣獲首三百餘級 八月初

丁巳初光祿寺少卿沈廷揚奏奉命海運餉吳三桂道梗不可  
行請罷運不許 戊午<sup>三</sup>初以楊鶚總督四川貴州湖廣廣西

御史朱國昌奏賊入都城閣部以至廢條無不青衣小帽叩首

賊庭賊衆已去駕言不屈異然死灰如梁兆陽何瑞徵劉大鞏

等當與周鍾輩並行正法 昌平巡撫何謙自北逃歸 庚申

初<sup>五</sup>張獻忠圍成都 辛酉<sup>六</sup>初以丁魁楚巡撫承襲 壬戌<sup>七</sup>初命

左良王開藩武昌加左夢庚惠登相都督僉事 刑部尚書解  
學龍奏從逆諸臣六等罪案第一等宋企郊牛金星等十一人  
應殊第二等光時亨周鍾等四人應斬第三等王承魯陳名夏  
項煜等七人應絞擬贖等四等主孫蕙錢位坤等十五人應戍  
擬贖第五等宋學顯傅宗振張家玉等十人應徒擬贖第六等  
潘同春王子曜周壽明等八人應杖擬贖存疑別議翁元益等  
二十二人已故免議吳家周魏學瀛二人奉制所議從逆諸款  
尚多未協內如為賊領兵獻策條陳者明係謀危社稷即在廢  
僚豈可列第二等京堂科道翰林侍從之臣受賊偽命為賊要

職並守巡官降賊豈可止于一統庶官受偽命其中科道翰林  
吏兵等部司官及封疆大吏巡方司道聞變倡逃罪豈止于流  
戍獻女獻婢媚賊及受偽官者罪豈止于一徙國家羅此大變  
先帝后飲恨升遐諸臣負恩辱國如此朕守祖宗之法須有定  
案昭然示天下後世以振肅人心表章綱紀法司秉公奉法毋  
枉毋縱稱朕平化之意着再確議 甲子九初逮降賊平陽知府  
張嶙熱戶部侍郎党崇雅祭酒薛所蘊 命大學士王應熊開  
藩遵義舉人李遠為兵部職方司主事 張獻忠陷成都 成  
都聞賊急也蜀王謀遷于滇巡按劉之勃持不可王不聽王既

行守門卒洶洶亂輜重婦女有被掠者一日大雨雹雷震王寢  
殿城中士民震恐新撫龍文光總兵劉佳胤率官兵三千謀設  
守諸王大姓逸去者半賊騎兵從資陽水兵從洪雅新津薄城  
下佳胤出戰大敗賊四面縱火光文急遣人往灌縣決堰水注  
錦江以益城濠初九日大雷雹雨如注守陴者不能立賊火攻  
一如取重慶法西城墮錦江樓遂崩不踰而灌縣之水至而城  
已陷矣獻忠自重慶引兵直上成都獲官兵旂幟給為官兵  
遂入成都蜀王率宮眷投井死闔宮被害執巡按劉之勃獻忠  
以之勃同鄉欲降用之之勃大罵不屈見殺總兵劉鎮藩投萬

里橋下死原任巡撫龍文光總兵劉佳胤及道府各官皆死成都知縣吳繼善一門死者三十六人成都府推官劉士斗華陽知縣沈雲祚俱死賊據成都僭號大西以成都為西京設左右丞相六部尚書于殿前賜袍服以蜀府門外屋為朝房以孫可望為平東將軍監十九營李定國為安西將軍監十六營劉文秀為撫南將軍監十五營艾能奇為定北將軍監二十營收鎮遠營官兵于部下屠其妻子曰爾等有功之日再娶美者勿留此徒牽爾心獻忠聞自成取漢中將吞兩川恐州民叵測大行殺僂邇卒滿階聞笑殺屠之間哭聲亦屠之皆嬰穉無遺先搜



薦紳給曰選用至者盡殺復索全蜀紳士至成都俱行屠戮太常卿尹紳給事中吳宇英皆不屈死會朝天閣獲成都諸生顏天漢等通表自成獻忠怒懸榜試士遠近爭赴縱兵擊殺數千人咸挾冊握筆以就死蜀中士類殆盡城中人殺盡令所部搜山每屠一路冊報某日某部殺人數次日山上有烟謂搜山不盡一部賊兵盡斬以首級重不可致咸斷右手以報功每搜山賊至山中與百姓相向哭曰我與爾無仇今吾至此爾輩斷手後不可飲冷水一飲即死以林麪洒之裹創口立生肌或得全命成都重慶巫夔敘州數千里蕭條絕人烟獻忠馭下嚴酷日

咨斬殺部下多怨之或逃入山谷與川人團結以拒賊黎川土  
司馬金年十六賊以金印誘之不從故黎州得全 川將楊展  
起兵于山中展丁丑武狀元從楊嗣昌立功楚蜀嗣昌死遁山  
中川人推重展衆至數十萬扼守嘉定州峨眉峽江丹稜雅州  
榮經名山諸州縣與獻忠相拒賊不能勝獻忠既殘破兩川知  
人心怨之不可與守聚舟載輜重欲下荊州走江南至嘉定扼  
于楊展不得行以萬金賂之不可增至百萬以金銀幣帛積道  
傍如邱展終不許縱兵擊之奪其金帛賊乃返川北為久屯計  
破山禪師語錄曰獻忠殺人之多較黃巢百倍五月孫可望

報一路殺男子七千九百萬女子八千八百萬劉文秀報一路殺男子九千九百六十萬女子八千八百萬艾能奇報一路殺男子五千九百八十八萬女子九千五百萬李定國報一路殺男子七千六百萬女子九千四百萬此外各營分勦川南川北及獻忠偽御營殺人數目自有簿記之不與焉于是四川之民靡有孑遺迨屯營于西充鳳凰山至自殺其卒日一二萬人初殺蜀卒蜀盡則楚楚盡則殺共起之秦人後令量之以度過不及者皆死駐西充時尚存一百三十萬逾兩月剝削宰割者過半矣破山和尚嘗勸李定國止殺定國

以羊豕進曰和尚食此當封乃破山遂食之綏冠紀畧謂勸獻忠誤也

彭子曰陸洽原嗣開為汶川令云汶川在成都西北為岷山江水發源地其西百二十里為茂州其外即大西域境萬山相夾如永巷風多少曰居民止十二家丁口百餘即米必買之郫縣縣令種蔬磨腐以自給雞鶩必市之成都因被獻忠所屠人烟斷絕數千里之內塚中白骨無一存者人類既盡無可為食掘枯骨屑而糜之以糊口汶川多虎豹但食畜產見人必驚走蓋川中稀見人初生虎豹不可人之可攫而噬

也此實曠劫所稀聞矣

乙亥<sup>初</sup>禮部侍郎曾紹寧奏請遣使祭告先帝后梓宮訪問東  
宮二玉 庚午<sup>十</sup>劉良左移鎮壽春 壬申<sup>十</sup>以趙其杰巡撫  
河南其杰馬士英妹婿也以監軍道貪而暴革職寓南京日恬  
士英之門責其起用遂特用之 以樊一衡總督川陝凌駟脩  
兵東昌 戊寅<sup>三</sup>贈吳襄遼東公 進士王曰俞奏請褒長洲  
死義生員許琬 己卯<sup>四</sup>贈死難左都御史李邦華少保 賜  
死難湖廣巡按劉祚熙謚忠毅 癸未<sup>八</sup>御史王孫蕃劾諭德  
方以智自虧臣節復撰偽書以亂是非命逮訊 甲申<sup>九</sup>命武

英殿大學士王應熊兼兵部尚書總督雲貴川湖軍務賜尚方劍便宜行事 封鄭芝龍南安伯 乙酉十三禮科給事中袁彭年奏請褒江陵舉人死節陳萬策李開先 九月丙戌朔命王基李乾德各帶罪赴王應熊軍前理餉

大清兵分道西伐更糾西人攻臨洮甘肅以牽之自成勅邊兵與戰殺傷相當西人數萬騎並進賊兵潰遂奔甘肅吳三桂分兵出居庸關入宣府自成數戰不勝扼險自保 戊子初命建祠南京賜祠名旌忠祀北京死難諸臣文臣二十二人數臣一人戚臣一人東閣大學士工部尚書贈太傅謚文貞范景文字質公 庚

丑進士北戶部尚書兼翰林院侍讀學士贈太傅謚文正倪元  
直吳橋人  
璐字鴻寶壬戌進都察院左都御史贈太保謚忠文李邦華  
明甲辰進士上虞人  
江西吉水人協理戎政兵部右侍郎贈刑部尚書謚忠貞王家  
彥字遵五壬戌進刑部右侍郎贈刑部尚書謚忠貞孟兆祥  
形壬戌進士都察院右副都御史贈左都御史謚忠介施邦  
山西澤州人  
曜字四明已未進大理寺卿贈刑部尚書謚忠清凌義渠  
丑進士浙江餘姚人  
江鳥城人太常寺少卿贈兵部右侍郎謚忠節吳麟徵  
士浙江人  
海鹽人左春坊左中允贈詹事府正詹謚  
元河南人左春坊左諭德贈禮部右侍郎謚文忠馬世奇  
杞縣人

士江南左春坊左庶子贈禮部右侍郎謚文節周鳳翔字集軒

無錫人翰林院簡討贈詹事少詹謚文烈江偉字長源戊辰進

陰江山翰林院簡討贈詹事少詹謚文烈江偉字長源戊辰進

太僕寺丞贈太僕寺少卿謚節愍申佳胤字素園辛未進戶科

都給事中贈太僕寺卿謚忠節吳甘來字和受戊辰進河南道

御史贈大理寺卿謚忠烈王章字芳洲戊辰進四川道御史贈

太僕寺卿謚恭愍陳良謨字賓白辛未進士福建道御史贈太

僕寺卿謚恭節陳純德字湖廣零陵人進吏部考功司員外贈太

常寺少卿謚忠節許直字若魯甲戌進兵部車駕司郎中贈太

僕寺少卿謚忠毅成德士順天懷柔人進兵部車駕司主事贈大



理事少卿謚忠節金鉉字在六戊辰進士江南武進人觀政進士贈試御史謚

節懿孟章明字伯昭山西澤州人太傅惠安伯謚忠武張慶臻字永祐河

南丁襄城伯謚忠武李國楨字兆瑞江南和州人駙馬都尉太子太師謚

忠愍鞏永固字洪圖順天宛平人贈金鉉母章氏恭人馬世奇妻朱氏陳

良謨妻時氏皆孺人各建坊旌表賜浙江道御史馮垣登謚

忠節戶部侍郎周之茂工部主事王鍾彥兵部員外郎鄭逢蘭

戶部主事范方行人謝于宣中書舍人宋天顯陽和衛經歷巡

捕京城毛維張右都督周鏡周奎姪等俱從祠旌忠祠

彭子曰北都陷從帝上升者止王承恩一人士大夫貶節偷

生者不可勝數死難者二十餘人聖安渡江列祀殉國者示  
風厲人心之大端也以余所聞介冑之士捐生斷脰者不乏  
而卹錄無聞豈以名位為等差耶不及于微者宜也馮垣登  
刑僂賊手易名之曲及之濫矣襄城身握重兵不能一矢加  
賊雖抗辭大盜之庭以視惠安有間矣新樂之烈舉室自燔  
祀典勿及先代梟房之戚猶不得與耶抑無為之言者而故  
沒沒也

廣西巡撫方震孺簡狼兵千人習火攻毒弩令副將朱之胤統  
之入衛賜故新樂伯劉文炳謚忠壯左都督劉文耀謚忠果

寧武死難總兵周遇吉謚忠武 特謚吳襄忠壯 贈刑部郎  
中李逢申太僕寺少卿生員許琰五經博士布衣湯文瓊中書  
舍人 丁酉以王之綱為河南總兵官挂盪寇將軍印劉  
澤清久屯淮上無意進討田仰日從澤清燕游為之上書乞餉  
詔諭澤清曰東南餉額不滿五百萬江北已給三百六十萬豈  
能以有限之財供無已之求田仰與澤清不得全事呼額許  
定國擒陳州偽牧惠在公遂復陳州 己亥田御史徐心養奏  
人從德州來者皆言山東有

清巡撫方大有濟寧道張安豫赴濟上宜勅王變早行鎮遏關賊

使孟長庚築江陵城獻賊復有取荊州之檄萬一順流而東潯  
陽蕪湖單弱樞輔尚屬棄舍不以金陵為孤注耶 壬寅七浙  
江巡撫御史任天成奏浙屬紳士金汝礪繆沅身汙偽命張嶠  
然方允昌為賊親信李綱徐家麟俱受偽職魯梟王自起吳爾  
璵魏學源為賊所用學源漸憤自縊諸臣猶戀身家臣誼安在  
宜行提究以儆不臣 癸卯八命劉泌宣諭西蜀即留王應熊  
軍前贊畫 給楚藩朱華堞空名劄百道 命總兵王允成鎮  
守岳州馬進忠鎮守荊州 淮安巡撫田仰執送光時亨于南  
京 已酉四命左蔣庸挂平賊將軍印 十月乙卯朔以李成

棟掛鎮徐將軍印守徐州以李世春為泗州總兵賀庸昌為楊  
州總兵 己未初復以張縉彥為兵部尚書總督北直山西河  
南軍務給吏兵二部空名劄二百道縉彥自北至自稱在河北  
收義勇誅偽官大學士王鐸保奏遂有是命 甲子初賜故太  
監王承恩謚忠愍立祠以賊拷殺內官王之心等七人附祀又  
賜太監李鳳翔謚恭莊鳳翔亦降賊被殺 乙丑十劉澤清殺  
其叔副總兵劉孔和孔和故大學士鴻訓子澤清初為孔和狎客既貴孔  
和反投幕下澤清武人不知書一日示所作詩云好否孔和戲  
曰不作尤好澤清色變亡何令孔和將二千人渡河忽檄召斬

之所部洵不服盡擊殺之無遺澤清至淮盡散路振飛王

變所集義兵二十萬簡其梟桀隸部下縱兵掠村落日與田仰  
歡飲北兵南下有問守禦之策澤清曰吾為擁立福王而來以  
此供我休息萬一有事吾自江南一郡去耳加湖廣巡撫何

騰蛟兵部右侍郎田仰奏鳳陽地震丙寅二十御史胡時亨

奏近來文武陞授皆出勲目之口從逆偽官借口軍前蒙面求  
進如黃國琦施鳳來推補遠近駭然國琦則偽吏政掌殊封鳳  
來則管儀仗語賊不可用亡國器願輸千金製造此何人而辱  
班行乎已巳丑南和伯方一元請卹賊僇諸公侯兵科給

事中王其劾臨淮侯李祖述、勲衛朱國元、負國偷生、有愧前勲。  
詔諭兵部李祖述奉命守門城陷、君亡偷生、南竄、該部嚴議。  
癸酉、九劉澤清括商船為水營、薦黃國琦為監軍。命總兵許  
定國、開鎮睢州。命南歸庶吉士史可程詣督輔私寓候議。  
甲戌、仁督師史可法薦北歸諭德衛胤文兼兵科給事中、監興  
平軍胤文、高傑鄉人、賊掠不死、南歸、因傑請于可法、可法薦之。  
給鄭鴻逵鎮海將軍印。乙亥、廿一命靖南侯黃得功、廣昌伯  
劉良佐合兵屯鳳壽。命總督王永吉駐徐州。丙子、廿李自  
成分兵八營、出潼關、三營向裕州、二營據鄭、時河洛義兵並起。

殺賊偽官殆盡

大清亦分道下河南自成留平陽以拒之分兵出關略地裏郊圖  
河南諸郡督輔史可法上言三月以來陵廟荒蕪山河鼎沸  
臣備員督師而河上之防百無一理復仇之師不及關陝討賊  
之約不達于北庭以君父之仇置之膜外我即卑宮菲食嘗胆  
臥薪尚恐無救于事目覩廟堂百執事殊未盡然北變初傳臣  
等躬迎聖駕臨蒞南郊陛下初見臣等言及先帝則泣下沾襟  
次謁孝陵則淚痕滿面曾幾何時可忘前事先帝以聖明羅慘  
禍此千古未有之變也先帝崩于賊恭皇帝亦崩于賊此千古



未有之仇也先帝待臣以禮馭將以恩一旦大故在北諸臣死  
節者寥々在南諸臣討賊者寥々此千古未有之恥也庶民之父  
母被殺尚思穴冑斷脰得而甘心朝廷顧可漠置今宜速行討  
賊之詔嚴責臣與四鎮悉簡精銳直抵秦關絲綸痛切庶海內  
忠目義士聞而感奮國家遭變陛下嗣統諸臣但有罪之當誅  
實無功之足錄加恩紛紛濫觴斯極似宜慎重需待戰功庶行  
間猛將勁兵有所激厲至兵行討賊最苦無糧宜將內庫本折  
槩濟軍需其餘不急工役可已繁費一切報罷即事關典禮萬  
不容廢亦宜概從儉約乞陛下念祖宗之鴻業憤先帝之深仇

萃舉朝之精神物力于選將練兵人心猶可救天意尚可回也  
壬午<sup>廿</sup>命都督曹友義領黃河水師改金聲垣為援勦豫楚  
總兵官 癸未<sup>九</sup>太白見東方芒閃燦或四角或五角 十一  
月己丑<sup>五</sup>初原任督師丁啟濬巡撫丁魁楚上書待罪侍郎金之  
俊降北保舉二人

清撫遣使持檄徵之為劉良所佐所得因合辭自劾 甲午<sup>十</sup>初左  
良玉奏承德將士飢餓絕糧 史可法統兵次白洋河大兵入  
海州 乙未<sup>十</sup>大兵到邳州 命鄭鴻逵節制海門至京口  
丙申<sup>二</sup>大兵入宿遷史可法救之拔營去

劉澤清奏清總督楊方興屯兵宿遷鑄造

鉄條為  
紫殺計  
丁酉三十興平伯高傑進兵次徐州時聞賊犯禹州襄城  
諸路

清豫王將從孟縣渡河河南撫鎮告急相接踵諸鎮擁兵不前惟

高傑冒雪移軍于徐

傑遺劉澤清書曰清有王子統兵七八

一夕數至開封上下北岸問渡甚急一越渡則天塹失恃長江  
迤北盡為戰場時事至此令人應接不暇惟有竭心殫力直前  
無二于萬難之中求其可濟以傑聞

清肅王在山東移書請會師討賊肅王報書說傑降北

清副將唐起龍亦移書于傑勸傑早降大者玉小者侯傑皆不答

傑身先士卒沿河築牆為備禦徐州土寇程繼孔斬木編筏引

衆渡河投傑。傑惡其反覆，誘斬之，并其衆。詔加督輔史可法  
太傅，興平伯高傑太子太傅。戊戌，叶監山海關太監高起潛  
自北至，詔獎起潛冒險來歸，忠義可嘉。高傑以兵二萬至徐。  
張縉彥在河北，聯絡土寨，遙應之。于是諸將並進，日有斬獲。總  
兵王之綱斬賊將虞世傑，巡按御史陳潛夫禽。太康縣偽令安  
中外等副將劉鉉、郭從寬復鄆陵，許州禽偽令王度，偽州巡捕  
王法唐斬首六百級。總兵劉洪起拔汝寧，上蔡禽偽府尹祝永  
苞，偽令馮世遇斬首一千三百七十級。又擊破賊于襄城，斬首  
二千二百七十餘級，生禽二百三十一人。總兵許定國亦破賊。

于陳州 丙午<sup>二</sup>論河南提功以劉洪起斬獲獨多加職二級  
丁未<sup>三</sup>大學士馬士英奏請加九江守道耿廷錄太僕寺少  
卿命調雲南臨安土官沙定州兵馬一萬從建昌入四川以  
盧若騰巡撫鳳陽 己酉<sup>五</sup>命總兵黃斌卿屯安慶 命許定  
國守開化與王之綱合兵進討 御史沈宸荃劾張縉彥王永  
吉何謙卹祖德王希憲曾化龍等詔赦縉彥永吉勿問何謙等  
法司提究 辛亥<sup>七</sup>命御史蘓京駐廟灣防海 命王永吉塞  
汴口 劉澤清薦故兵科給事中時敏與屯海外大瞿山 癸  
丑<sup>九</sup>命大學士馬士英大閱 十二月乙卯<sup>朔</sup>

清兵萬騎下河南 丁巳<sup>三</sup>初命督師王永吉董率興平東平二鎮

聯絡張縉彥王覺分布河南王濬移駐淮上 命黃得功劉良

佐移師近畿援邵宿 戊午<sup>四</sup>初加劉承胤右都督 庚申<sup>六</sup>初凌

駟馳赴河南上

大清所授憑印 河南巡按陳潛夫奏賊窺河南 辛酉<sup>七</sup>初授凌

駟御史監軍河南 召楊鶚回部命何騰蛟以兵部右侍郎總

督川湖雲貴廣西 癸亥<sup>九</sup>初刑部奏故偏沅巡撫陳睿謨失守

封疆准律當斬詔助餉三萬兩收贖 庚午<sup>六</sup>初論河北起義功

加丁啟濬太子太保進丁魁楚兵部尚書 壬申<sup>十</sup>命王永吉

防河北張縉彦防河南分定許定國王之網沉地 癸酉九十四  
川僉事張一川奏川省決裂已極東則賊獻直闖夔門忠萬而  
上勢如破竹北則李賊逼關中廣元昭化以南久樹降旗通巴  
一帶日為搖蕩土賊四掠六月二十一日獻賊陷重慶瑞王遇  
害舊撫陳士奇拷死將弁俱殲兵民斫去一手者萬計八月五  
日張獻忠圍成都九月大砲奔城官兵皆敗潰士民慘死擁尸  
塞流蜀王撫按總鎮三司俱無下落李賊于保寧招士民降順  
川非無兵已為搖蕩折盡自涪渝繼陷各兵斷臂放行見者寒  
心非有大兵拯救全蜀必亡矣 甲戌仁川督大學士王應熊

奏重慶成都二府川民敲骨吸髓所供七八十萬悉為賊有川  
將如羅子萃侯大錫曾英王祥餘勇可賈亟宜用之 乙亥廿  
以時敏仍原元官開屯大瞿山 刑部更定降賊諸臣六等罪  
案第一等助賊宜族并籍其家張縉彥周奎宋企郊杜勳周鍾  
等五人第二等首先降附宜斬劉大鞏光時亨方允昌楊枝起  
梁兆陽楊觀光項煜錢位坤薛所蘊何瑞徵宋學顯趙京任葉  
初春賀王盛吳家周楊廷鑑韓四維高爾儼陳名夏張之奇趙  
玉森傅鼎銓楊明琅魏學濂張元琳吳爾壘劉餘謨魏天賞朱  
積史可程魯巢王自超劉廷琮何九雲張元錫羅天錦梁清標



白肩謙何肩光張家玉李呈祥龔鼎彝趙穎楊棲鶚黃燦成克  
鞏張端吳崇勳左懋泰劉廷諫熊文舉侯佐楊元錫張鳴駿孫  
承澤戴明說傳振鐸申芝芳高翔漢翁元益郭之奇金汝礪朱  
徽欽琦柳寅東陳羽白蔡鵬霄衛楨固涂必泓許作楫王于曜  
鄒魁明吳剛思徐家麟吳元伯繆沅李之奇胡顯李丕著張元  
輔龔龔朱希煌周吉吳之奇張琦黃國琦王孫蕙王爾祿吳泰  
來武情李登雲孫以敬董象恒龔葵等九十七人第三等逼勒  
受官宜流方岳貢邱瑜楊汝成吳履中呂兆龍王鰲永郝晉方  
拱乾沈自彰張忻陳惟德王都等十二人第四等被囚偷息生

還宜杖陳必謙沈維炳胡世安李士淳王正志李明睿雷躍龍  
張鳳翔顧鉉金之俊楊祚昌林增志衛庠文劉明英吳華昌方  
以智鄭楚勲吳邦臣萬發祥蕭時豐張正聲趙士錦郝錦謝于  
宣陸禹思陳翔蔡國光曹惟才劉中藻何肇元錢增鄒逢吉宋  
之繩周亮工劉令尹李起龍林蘭友李逢申汪光緒等三十九  
人第五等潛踪免害宜禁錮蔣德璟鄭二陽曾櫻施元徵張伯  
鯨程兆科汪惟敏翁希禹宮偉鏐程子奇彭遇凱施燦蔣目譚  
貞良史夏隆嚴通林飭王崇簡等十八人第六等為賊拘留斃  
于刑罰宜不問張維機孫從度馮垣登吳伯宗鄭逢蘭范方魏

藻德陳演等八人

彭子曰以余觀於六等之案而疑之矣張縉彥已貸而用之何首列也若夫張嶙然黎志陞等從賊犯闕罪不下于企郊而罪不及焉時敏不大呼于吏政之門乎何以不與朱積金汝礪輩同律也魏學濂漸憤自經則與陳名夏諸臣有間矣不以死而稍寬之呂兆龍赴水而見執張家玉抗言而受縛則原其心而少寬之可乎何一則坐絞斬之科一則列流戍之例似非法之平矣衛胤文削髮也而罹刑劉中藻乞歸也而蒙禍一則死綏河上一則殉節關中偷生歸里之條固不

可概之歟方邱二相不聞受官也死而不謂之死張維機南  
歸矣不死而謂之死馮垣登賜謚矣范方鄭逢蘭列祀矣李  
逢申贈官矣猶且厠之末等廷尉之章與太常之典並行不  
悖乎然不特此也昔李伯紀論僭逆而誅邦昌按偽命而戮  
齊愈先哲猶非之以為邦昌自歸其跡未叛齊愈以疑似而  
被誅徒以堅劉豫張孝純之心有宋之失策也甲申之變曩  
所未聞也將相以下無不當誅歐刀西市誰曰不宜乃高傑  
覆軍奔北棄其元帥反蒙茅土之封白廣恩官撫民黑姜諸  
帥紛紛倒戈無敢斥言其叛日取重趼南還之士囚僇而拘

繫之宜乎金之俊王

方大猷相率而相

庭孔子曰選

于衆舉率陶不仁者遠誠能表勵忠烈錄用風節特立之士則頑鈍無良者自無所容其位矣孟子曰與楊墨辨如追放豚既入其豎又從而招之彼賣主求苟容諸人固獸畜也一個負失則百羣皆奔藏其鷙刀還之盆莢狐死孰不首邱乎方將率其醜類求活田里豺狗之伍不崇朝而散歸矣何必窮之所往多樹敵焉資強敵以爪牙乎然則六等可無按歟非然也夫三綱者立國之維也彛倫可攸斁何以立國必也法吏列狀上請按誅不少貸天子乃沛然下尺一之詔大誥

多方滌其過惡與之維新既不廢法吏之權衡益以明朝廷之恩厚是以激厲人心之大機也今也不然執法之官援引以市恩而秉政者批根焉誅者未足服其辜叛者益以堅其志謀國者亦踈矣

刑部尚書解學龍請寬北歸諸臣何瑞徵張若麒楊觀光黨崇雅熊文舉等二十二人 戊寅<sup>四</sup>張縉彥分布諸將防河寧陵以東屬王之綱以西至蘭陽屬許定國祥符以西至汜水屬劉洪起河雒委李際遇 高傑北征發徐州 己卯<sup>五</sup>論鄖陽戰守功進徐元起兵部右侍郎高斗樞副都御史朱翊辨遇京堂

缺用 辛巳<sub>七廿</sub>高傑次歸德貽許定國千金幣百端 壬午<sub>八廿</sub>  
以翟式耜巡撫廣西馬乾巡撫四川 甲申<sub>十三</sub>以賈聯登為四  
川總兵

流寇志卷十四

海鹽彭孫貽羿仁氏著

順治二年

元弘光元年

正月乙酉

朔

日有食之

癸巳

九初大雷電雹

史可法奏陳潛夫報

清兵南來豫王以五六千騎渡河孟縣步卒次覃懷欲往潼關李際遇為鄉導長驅而東刻日可到際遇之附

清確然矣

清兵攻邳未返濟寧豈一刻忘江北哉請命高傑提兵二萬與張縉彥直抵開雒據虎牢劉良佐貼防邳宿御史陳蓋往調黔兵



五千人半載杳然乞催之速至報可命給閩銃三千 吏部侍郎陳盟奏川事潰裂 貴州巡撫李若星奏川賊猖獗 賴撫李永茂奏川寇擾汀州 總兵劉洪起擊賊于襄城俘斬五百餘人 甲午<sup>初</sup>改四川叅議耿廷錄遵義監軍 命御史凌駟巡按河南給吏部空劄三十兵部空劄一百以待矢義南歸者 乙未<sup>十</sup>馬士英奏總兵楊御蕃五載戰功詔進左都督及馬進忠王允成並加太子太保 丙申<sup>二十</sup>刑部尚書解學龍奏從逆六案以登極初停刑 許定國誘殺興平伯高傑于睢州 傑陝西青澗人少豪俠梟壯給事于邑中張縉彥初知青澗愛

其雄杰善遇之縉彥去任里人嫉傑多毀之傑嘆曰人生天地間委靡為人笑自振又為人嫉何所容身乎使我依違蒙辱不甘也斬刼而走投李自成同爲盜號翻山鷄自成漸強隸屬焉自成掠得邢氏璧之命傑護內營邢氏悅傑傑通焉洪承疇制三邊屢破賊自成飢困乞降未決衆散亡勢稍衰傑隨自成至慶陽承疇使人招降自成懷二三傑以邢氏故畏泄被誅夜刼邢氏走富平率所部降于承疇自成怒誓殺傑傑知之當關必盡力立功至偏裨孫傳庭督師表傑爲中軍副將傑知自成軍曲折傳廷用爲前鋒塚頭寶豐大戰累破賊傳庭遂輕敵深入

傑與白廣恩董學禮有隙諸將二三中伏戰不力皆潰秦兵多  
降賊傑遠避之自西安走榆林渡保德州歸于蔡懋德賊渡河  
追傑傑擁兵自山西入河南轉掠河北山東遂至邳徐所在攻  
剽馬士英安插傑兵于徐州屬南都議迎立未定士英招傑與  
劉澤清以兵臨江脅制朝廷擁戴傑遂據揚州鹵鹽賣巨商子  
女金帛悉劫載舟中揚州士民閉城拒之傑縱兵攻城以所鹵  
子女環城裸淫以辱之揚民切齒連兵不解史可法詣其營撫  
之傑分散可法牙兵于軍中叅以所親信邀可法上書于請無  
厭傑起于盜無功而驟至通侯諸將多輕之可法日為講解勉

以忠義屯傑兵于瓜州揚州閉城數月始開傑鹵商船重載連  
檣數里鄭鴻逵以閩師戍金山命番鬼泗江底斷其纜曳奪數  
艘過江鹵獲巨萬傑兵不長于水莫敢爭鋒稍戢傑知諸軍輕  
之思以功自奮寇充斥河南北諸鎮莫敢進傑獨冒雪北發  
奏請駐重兵歸德東西兼顧聯絡河南總兵許定國經畧中原  
定國久屯睢州朝命定國進守開封定國憚寇不欲行傑屢趣  
進兵當傑為盜時劫定國村殺其一家唯定國兄弟免勉後與  
傑並為列將心銜之陽與傑歡定國素桀驁不馴私念渡江以  
來諸將多擁兵不奉天子詔傑罪惡多朝廷不能誅誠一旦襲

取之并其兵以自強天子不能深罪也乃益結歡傑遺書請以  
睢州讓之傑喜報以金帛問移師之期且覘之定國盡徙睢人  
他出匿其精兵令老弱婦女雜爲屠沽市販傭保列肆中覘者  
以報曰定國已移軍矣定國盛供帳設晏以迎傑館舍庖餽畢  
具請屯興平全軍止近郊期三日盡徙諸將家口傑欣然許諾  
離州四十里而軍輕騎八百入睢州定國大享將吏與傑飲甚  
歡傑期定國詰朝盡徙定國唯唯既罷宴定國退趣諸軍婦女  
控劍速裝傑分掉從騎市肆間三三五五環邸府而居令親信  
視幕府邸舍洒掃垣衛嚴密乃令健兒環外寢携一小兒入臥

室更索美姝侍飲小兒者執壺三更飲未已床後壁忽起改定國  
兄弟突至立傑前小兒驚緣柱伏梁上帳下健兒醉抵足臥旁  
無一人傑坐胡床驚惶不得起叱曰若何為者定國曰聞令公  
飲無人在側特走奉觴耳傑嘆曰我乃死若手定國拔刀斬傑  
頭嗚礮一聲伏甲皆起掩戶分擊八百人無遺蓋定國擇大宅  
爲幕府密爲夾道抵寢後周旋環無隙傑不疑也定國剖傑腹祭  
其先興平大軍聞礮李本深等馳赴之定國已開門西走城空  
無一人傑幕客袁廓宇跳伏無板空樓上梯級俱絕乃免諸軍  
至不知變所起袁廓宇及小兒者下乃知之一軍皆譁追定國

互相殺傷數日乃定定國使使自歸于可法可法以賊雖多過  
然列爵開藩爲朝廷大帥定國爲鎮將而擅賊藩臣此而不問  
無以服諸將藩鎮人人自疑不可復使矣不報定國使傑營將  
士治兵攻定國定國逡巡河上不得請因走河北降豫王

彭子曰高傑起降賊爲上將南陽師潰不力戰以保秦而肆  
掠齊晉攻圍揚州幾于叛矣軍律在所必誅朝廷赦過立功  
因翼戴微勞爵列五等宜群帥之藉口也然寇敵交加史相  
北伐諸鎮擁兵不前唯傑冒雪移軍奮戈北進北庭誘之不  
爲動其忠亦可諒矣誠使諸將協心南據河北拒濟以臨中

原即未能滅賊其勢足以振東南跋扈之定國因私隙以戕  
大帥此而不問紀綱墜矣何以立國然定國別將耳非有臣  
主于中寧敢專殺藩鎮蹈必誅之律乎可法欲安興平之軍  
不爲定國地而驅以遺本朝卒以覆國其爲謀亦舛矣興平  
之死然則可無論乎是何言也強敵壓境棄將于敵不可也  
撫慰諸軍誘致定國執而僇之代將其兵策之上也度不能  
討密告定國移師楚疆上章自列請盡削其官階從平賊白  
衣討闖以自贖簡興平之腹心俾統其軍爲之請卹于朝許  
其孤兒延世賞賜卹于京師亦足以慰諸軍之心矣使定國



而終有功救之可也終無功他事執之數其罪而斬之可也  
奈何不深計之嗚呼興平之不終天也定國方降北左師復  
稱兵狼顧不暇以亡其國豈人計慮之所及哉

丁酉<sup>十</sup>河南副將郭從寬禽長葛偽令 己亥<sup>十</sup>張彥縉奏十

二月

清兵屯武涉孟縣拘船百五十將渡河李自成副將夜奪其船百  
三十

清兵別治浮橋南渡賊亦治浮橋北渡以相拒十一日午刻紫澤  
縣郭忽現大城樓櫓畢具二時方隱天官家言廣漠之氣成城

郭河西茫無人烟故也 癸卯九主事李爾育奉命宣諭劉洪  
起李際遇不得達至睢陽見張縉彥而回 乙巳一廿保國公朱  
國弼御史張孫振劾刑部尚書解學龍黨逆不公命解學龍革  
職 壬子一廿進監軍兵科給事中衛脩文兵部右侍郎總督興  
平鎮經畧開歸自傑死所部疑懼以脩文其鄉人用而羈縻之  
進李本深太子太保左都督提督本鎮赴歸德令中權總兵  
楊承祖屯夏邑副將劉應虎屯虞城苗順甫屯碭山後勦總兵  
李翔雲屯雙溝右協總兵胡茂貞左協總兵郭虎赴泗川 廣  
昌伯劉良佐見傑死思併其衆奏興平潰兵不宜授本深提督

靖南侯黃得功東平伯劉澤清合疏奏傑無寸功加恩太重寧  
南侯左良玉獨上章訟傑九江總督袁繼咸亦奏興平之勞可  
念 二月乙卯<sup>初</sup>周藩遂平王紹焜請往河南招集不許 袁  
繼咸奏鄖鎮重被賊圍 丙辰<sup>初</sup>以王禕為右副都御史巡撫  
湖廣 靖嘉王亨嘉奏全連永三州皆為土賊所據撫按匿不  
以聞 乙丑<sup>二十</sup>高傑妻邢氏上章求卹詔所部將士仍聽邢氏  
子高元爵統屬 汀州賊閩王猪婆盤據燕子洞劫掠橫行福  
建巡撫張肯堂親征之寧化知縣于華玉不得于鄉紳願撫賊  
自效既往賊橫幾不免遂許以官與數百人俱來肯堂給劄命

華玉率之勤王至浙東各散去華玉亦削髮為僧 庚午<sup>十</sup>張  
縉彥奏賊敗北師于許州 許定國東還劉家城 辛未<sup>十</sup>張  
縉彥奏王之綱以爭地之故激陷主帥閉城自守縉兵劫殺宜  
調之綱內地蕪湖總兵卜從善恩威久著河北有飛將之號調  
使恢復則督撫有臂指之使矣 壬申<sup>九</sup>命<sup>劉</sup>良佐進屯歸德  
甲戌<sup>廿</sup>改上先帝廟號曰毅宗 丙子<sup>三</sup>巡按蘓松御史周元  
泰奏楊枝起宋學顯楊汝成宋之繩曹溶朱積翁元益既受偽  
官豈容漏網命法司提問 戊寅<sup>廿</sup>貴州總督李若星以兵勤  
王詔止之如已到常德即留隸何騰蛟軍前勦賊 三月甲申

朔史可法奏泗州鎮將李世春廉而有威一病遽亡其弟遇春  
隊伍精嚴奉旨用代矣黃得功逐浦口將張天福部議改天福  
于泗鎮高營各將以泗州其分地天福至恐不相安其兄張天  
祿遷家屬至總兵卜從善扼之水次奪其馬驃家眷驚落水中  
乞勅部仍用遇春天福別用從之 戊子五初四川督輔王應熊  
奏蜀境西北漢中東北接郢東抵夷陵西南由建昌通雲南東  
南由遵義通貴州寇據成都蜀人殆無孑遺議者謂自成在陝  
獻忠必不北向然自成七月入蜀虛喝保寧順慶之吏民而下  
之一旦為獻忠所驅則獻忠之無顧畏可見矣川陝總督宜提

兵復保寧牽賊北顧臣得合滇黔之力以搗其虛賊若不南不  
北則仍趨巫夔未可料也廣西鄖陽許臣節制而緩急可以呼  
應臣名總督四省而兵止于黔餉止于滇不幾輕視巨寇乎詔  
楚鄖貴廣悉聽督輔節制 左良玉奏自成兵敗奔襄城 劉  
良佐報自成整兵東下 辛卯<sup>初</sup>以耿廷勳巡撫四川 汝寧  
鎮將劉洪起稱無餉撤兵還楚 癸巳<sup>初</sup>禮部尚書錢謙益請  
卹甲申殉難諸臣制曰閣部大僚謀國無能致茲顛覆雖殉節  
堪憐贈卹已渥先帝新焉不永諸臣延世加恩臣義何安通行  
別議劉理順成德准蔭子入監讀書 御史郝晉奏各鎮分各

隊打糧村落澤清尤甚掃蕩民舍幾盡 乙未 二史可法自劾  
師久無功御史黃耳鼎奏劾解學龍執法大臣受賄黨逆如光  
時亨周鍾方允昌項煜陳名夏議緩議贖豈古者三省八議之  
道進于此者張縉彥俯首賊廷喘偷生皇上優以節鉞優遊  
數月不恢寸土高傑之變單騎脫逃乞付有司治以棄地誤國  
之罪詔勿問 丙申 三巡撫安廬張亮飛奏聞賊分股南來乞  
解職 己亥 四以黃斌鄉挂征蠻將軍印鎮守廣西 庚子 五  
吏部尚書張提請成國公朱純臣照張輔例贈王從之純臣降  
賊首為勸進終被賊誅者 劉良佐奏北師漸逼江北命黃得

睿

功移鎮廬州援良佐 辛丑八月加劉洪起太子少保 壬寅九月  
劉澤清奏李明睿陳名夏議浮海來歸 設壇太平門外望祭  
先帝百官素服設祭阮大鍼後至哭呼曰致先帝殉社稷者東  
林諸人也 也不盡殺東林諸臣不足以謝先帝今陳名夏徐汧等  
北走矣馬士英急止之曰徐九一現有人在乃止 劉良佐奏  
許定國引北師入儀封李本深劉洪起馳斬定國前鋒劉道行  
北師入宛家寨王之綱邀凌駟南避駟不從 甲辰二月許定國  
前軍至歸德王之綱退屯宿州 乙巳二月北師入歸德凌駟仰  
藥不死豫王禮之嗣遣姪澗生間道齎上勅書自經死 丁未



侯朝宗南寧  
侯傳曰燕京  
臨江南立弘光  
光帝為士英說  
大賊亂政良至  
乃與兵清君側  
欲廢弘光而立  
趙世子至九江  
弒死而英王尾

廿四給方國安鎮南將軍印 己酉廿六劉良佐奏荊州陷 庚戌  
廿北師向徐州李成棟登舟南遁 壬子廿九潁州陷北師入太  
和劉良佐檄各路軍防壽州 四月癸丑朔黔兵殺掠徽州境  
徽人汪爵率眾禦之殺其首數人詔禽爵抵罪御史黃耳鼎請  
赦不允 乙卯初左良玉以兵犯闕 丙辰初北師入碭山毫  
州 丁巳初良玉兵入九江安慶至建德 己未初良玉兵入  
東流 庚申初衛胤文請解任 辛酉初斬光亨周鍾武懷于  
市勒周鑑雷演祚自盡 操江梁雲構請令劉澤清黃得功將  
兵入衛 黃斌奏留防江上 壬戌初徐邵告急命衛胤文李

其後其子夢  
庚以其軍降

本深督兵駐泗州 丙寅<sup>十四</sup>黃得功兵至江上命屯荻港三山

劉良佐劉澤清各請將兵入衛以邊防方急不許 庚午<sup>十八</sup>改

王永吉總河兼督淮安廬鳳撤回田仰 甲戌<sup>廿二</sup>北師渡淮

丁丑<sup>廿五</sup>楊州陷史可法死之 五月壬午<sup>朔</sup>癸未<sup>二</sup>遣京營兵

二百迎黃得功守板子磯 丙戌<sup>初五</sup>以江上功封黃得功靖國

公遣太監王肇基勞軍進阮大鍼朱大典太子太保總兵張傑

馬得功鄭彩並加三級 丁亥<sup>初六</sup>劉澤清至浦口 戊子<sup>初七</sup>封

鄭鴻達靖伯 庚寅<sup>初九</sup>北師渡江鄭鴻達東遁 辛卯<sup>初十</sup>弘

光主出幸太平癸巳<sup>二十</sup>至蕪湖黃斌道 乙未<sup>初四</sup>北師至南都

丙申<sup>十</sup>豫王入南都已亥<sup>十</sup>劉良佐乞降劉澤清掠舟入海  
壬寅<sup>廿</sup>劉良佐追弘光主于蕪湖黃得功戰死弘光主被執中  
軍翁之琪赴水死良佐奉弘光主入南都旋北去 閏六月乙  
未<sup>十</sup>福建巡撫張肯堂巡按吳春枝禮部尚書黃道周南安伯  
鄭芝龍等擁立唐王聿鍵于福州改元隆武 丑師既定江南  
九王令英王將兵三萬騎西伐令吳三桂攻三邊令豫王將二  
萬騎率孔有德左夢庚自河北夾攻山西自成久屯平陽諸賊  
知其無成謀臣策士散亡殆盡英王以鉄騎攻之自成勒遣兵  
數戰不利棄山西保陝 九王令英王率固山兀真譚太平西

王吳三桂以鉄騎收三邊豫王將孔有德左夢庚等自河南取潼關

順治三年

隆武二年

丙戌正月

李自成令劉宗敏守潼關親勒勁

兵拒英王于延安王師攻潼關劉宗敏出戰敗績克潼關自成勒兵拒戰于延西英王驍勇敢戰身長丈餘將鉄騎衝堅而入賊披靡不敢當斬首萬級

初

自成遁歸西安劉宗敏敗走

亦至賊衆聚謀王師不可敵圖棄陝走湖廣賊將南走議盡焚西安軍資火藥糧草田見秀不可曰一則此物力出自民間徵辦費許多心力清兵至見其焦燬又汰之民民不堪命歸怨于

我一則清兵至急須糧草糧草足必留休養人馬我可徐行若  
盡熬燒兵不得食必棄程追我矣自成從之

四賊棄西安

走藍田自商州下河南至襄陽承天分道而遁田見秀張鼎李  
過走荊州渡湖南李自成劉宗敏等屯承天王師定陝三遭賊  
將任珍迎降英王令珍署固原總兵珍以王師下涼州一路禽  
賊首宋好漢等陝西大定自成所部王永強高一才俱降王師  
定陝匝月二月英王統譚太吳三桂拔營出武關下湖廣會豫  
王兵南追賊自成勒騎兵自承天走黃州劉宗敏將步兵繼發  
王師奄至賊大潰棄兵仗四散婦女離營遠避數十萬衆散亡

大半宗敏將親信走江上王師追之宗敏力戰被執獲其妻子  
三桂以宗敏有殺父仇請于二王願得宗敏寸磔以祭父二王  
不可曰國法不得任意行刑縊殺宗敏俘送妻子入京九王賞  
淮安降將 自成至江上聞大兵追將及遂挈舟渡江欲奔江  
西止携所寵數美人登舟其餘宮女推墜江中畢渡半日譚太  
率人馬俱渡問鄉人皆云李闖在前三十里九公山廟中譚太  
選精兵騎三百衣賊甲蒙張賊旗幟冒雨進徑至山下自成在  
廟奏樂進膳俄小卒報曰有一軍人馬甚精壯像我營中衣甲  
旂號自成笑曰我行千里人不疲馬不乏大爲怪事神助我也

言未畢聞角一聲山下鏃騎盡去種帽皆明盔甲自成從望見將數十騎從廟從馳下疾走三宮笑人皆為譚太所獲以王氏范氏名為偽德妃送京師太收孟氏入帳中賊騎降殺過半餘騎西走與自成相失自成入山村坐野廟衣沾濡人馬飢困從騎大呼曰父老子弟李萬歲避至此急來救駕不失封侯父老密語子弟曰李賊將先帝天下敗壞至此汝輩善為之昏黑鄉人奮挺圍廟殺賊騎數十自成功鬪脫身走收散亡稍稍集間道渡漢陽走荊州與李過合營將奔獻忠獻忠已返川遂屯黔陽自成兵散亡大半田見秀亦死降臣偽官俱亡去初自成南

高氏號曰皇后收宮人費張陳杜爲德僞妃隨營中賊帥惟劉  
宗堯李過牛全任繼榮劉體仁辛思忠楊彥昌等相依從尚千  
餘萬軍中乏食遣劉宗堯以騎二千渡江掠河南湖北以給軍  
遣楊昌彥以步兵鈔近境川湖總督何騰蛟進屯辰州自成久  
擾黔陽四境雞犬皆絕騰蛟大集滇黔川粵兵攻自成營寨自  
成營于羅公山倚險築塹分三大營爲久屯計豫楚皆奉版入  
本朝湖南咸奉騰蛟節制自成勢彌盛營中乏食逃者益衆自成  
命李過守山寨自將輕鈔特略何騰蛟伏兵邀之大敗殺傷幾盡  
自成與衆相失以數十騎突走村中求食村民皆築堡自守見



零騎入合圍共擊之自成馳射揮左右格鬪積雨騎陷淖不得  
馳鋤挺奮擊人馬俱斃不知為自成也剥衣裳泥中有尸眇左  
目截首獻騰蛟驗之左臚傷于鏃始知自成之元也飛書奏閩  
中李過聞自成敗勒兵馳救奪其尸攻滅一村結草為首加衮  
冕葬羅公山下諸賊奉李過為主改名李繡即一隻虎也奉高  
氏渡洞庭踞險山中隆武遣馬吉祥招之賜名赤心封高氏爲  
忠義夫人繡負險山中不奉命 雩都山寇閭王總倚山嘯聚  
萬人暴掠南贛官兵不能討分巡湖西僉事彭期生至虔遣官  
招之賊首羅容等咸聽命期生同副將劉天駟單車入賊巢不

設兵衛伍伯數人  
車勞之勉以大義因承虔督萬元吉令署其魁四人為泰將解  
紅袍衣之給銀牌花幣以三千金犒其所部其魁奉觴上壽厚  
有所獻却之驅車引還 五月 初我

朝肅王大破張獻忠于西克鳳凰嶺射殺獻忠獻忠延安府米脂  
人多力稍通書充行伍立功邊境多得財以畜產隣人稱貸不  
能應訐告于官胥役多所恫喝獻忠已不平歲凶盜起禽獻忠  
戶丁縛山上邑人忌獻忠云獻忠有人在賊營縣官拘之獻忠  
益忿忿曰資財得之戰陣身命博之未嘗有負于人族人被由

後鑒云是安所  
柳樹洞今為次  
手不得志去其  
藉延鎮王成下  
以還掠無業托  
傳利達他將  
陳洪兒來揭曉  
獻忠說身之計  
之獻忠乃復兵

神元領紅旗為  
先鋒而後繼  
指之十寨其  
汝才龍降于  
撫洪永時而  
號八大王

我何知逼迫若此是驅虎入山也遂投賊與李自成同事關王  
獻忠兵最強號八大王巧于攻劫遇險善走去來如飛官兵追  
之不能及入河南襲破許州殺左良玉兄獲畜聚珍寶巨萬十  
一年熊文燦破賊于襄陽荊州間獻忠因陳洪範乞降屯穀城  
仍練兵造器械仗每心輕諸將獨雲南副將龍在田將滇兵二千  
馬上烏鎗疾利能取人于百步之外人馬俱洞穿獻忠憚之因  
交歡在田請結為父子數往還多受獻忠金寶潛令一堵牆四  
布流言于荆襄云龍兵擾害地方楚紳不察也奏請撤滇兵詔  
從命還雲南獻忠厚贐在田遣人送過貴州乃還獻忠拊掌笑

曰吾所畏馬上烏鎗追逐耳龍兵已去我事濟矣遂復反熊文  
燦被逮受誅獻忠曰熊死龍去新督新將吾何憚乎楊嗣昌督  
師兵大集獻忠入川困于魚復厚賄夔人轉入深箐中兵搜出  
夔人受賄賄不告賊所在獻忠蓄銳久突出襲陷襄陽左良玉  
寄室于此復為所鹵良玉怒逆擊之于許州大破之獲馬驟數  
萬降其衆萬人獻忠奔自成自成欲屈服之不為下自成欲殺  
之曹操陰資以馬走霍山與回革合遂陷舒盧獻忠兵連營數  
十里止則布幕數千庭廡堂室俱備外植木為垣以索繫之周  
以濠塹馬不得風逸方圓數里如城郭兵多而不精老而好殺

酈于自成入楚與關華漢陽關賊怒獻忠陰之為備關賊并左  
革賣探之衆老回回懼而自貳獻忠自岳陽至荊州與老回回  
合自成入關憚獻忠未敢稱帝遣使結好獻忠卑辭以答之自  
成大喜改元僭號于秦自成陷都城吳三桂逐之西還平陽中  
原雲擾獻忠乘虛入川屠僇川人無遺遂僭號改元第武置左  
右丞相以徐以顯為右丞相以潘獨鰲為中書舍人築臺榭宮  
觀于成都季自成略地漢中傳檄下保寧順慶至于閬中獻忠  
怒盡逐自成所署偽官自成不敢爭已而自成棄山西守西安  
獻忠復與結好自成既滅湖南方用兵獻忠增兵守白帝夷陵

自謂地險可恃縱聲色以自娛多奪諸將子女姬妾以自侍諸將咸怒

本朝九王命肅王將吳三桂等滿漢諸軍大集漢中將下西川守者告急獻忠不措意也更開科取士棘院未啟三桂已合滿兵踰劍閣入閬中矣長驅入蜀保寧順慶守將不戰守走告急踵至獻忠曰孫可望輩在何處三桂直逼巴東獻忠始合兵拒戰賊將馬進忠告肅王曰此即獻忠也肅王親督固山銜鋒大戰于西充縣南河鳳皇嶺獻忠當先搏戰單騎突前肅王前鋒一矢中獻忠墜馬諸賊力救扶創走死賊兵大敗三桂逐之斬首

萬級自重慶至成都望風而下王師入成都兩川郡縣爭送款  
肅王旋師留三桂守成都招降階平土寇趙榮貴等蜀中大定  
三桂鎮蜀令難髮虐使蜀人蜀人咸二獻忠所部共推孫可望  
為主潛勒兩川散亡部曲合兵襲成都三桂返漢中衆推孫可  
望王兩川 獻忠別將李定國劉文秀武大定等自西充走重  
慶欲入雲南臨江無舟不得渡雲南曾公子素與獻忠相仇殺  
聞獻忠敗以舟千餘北渡擊殘寇定國等進退無路奮勇死戰  
曾兵敗入山谿定國奪其舟由江津茶江遵義乾溝克復定番  
州至貴陽貴州巡撫何謙巡按米壽圖棄城走湖廣賊由威清

平壩安順盤江河詐稱崇禎三太子定王在軍中黔人信之聽其開路入雲南九月貝勒李羅入福建隆武遇害十月廣西巡撫瞿式耜會兩廣總督丁魁楚等奉桂王子永明王由榔監國于肇慶改元永厯督師學士堵錫胤經略湖廣李赤心始稱臣就撫

順治四年丁亥永厯二年督師大學士何騰蛟進兵湖南自成部曲多降于騰蛟赤心見騰蛟兵盛亦懾服聽命論克長沙功封赤心為興國侯李定國至雲南會撫按三司及縉紳問永厯何在皆云現在廣西又問黔國公云臨安土司沙定州作亂逼黔國



公沐天波走交趾定國上章迎駕發使迎燕國公定國知人心  
尚懷明德仍稱永厯正朔以服滇人發兵臨安征沙定州定州  
已死其妻攝職妻美麗修長多權變長于用兵臨陣果勇殺人  
無算與定國相持一年殺傷各萬計被禽始知其婦人也裸而  
縛之髮如漆肌膚玉瑩備極慘辱寸磔以雪憤定國復攻滅景  
東王司陶氏陶氏有老象相傳四五世每代承襲象止拜跽其  
主不復更跪一人定國至今象奴傳語教象下跪許給廩言再  
三不聽又語象不降則死象亦不屈昇大礮至前語象不跪則  
以礮擊之象終不動置礮象腹下發之象遂死觀者無不感嘆

鎮雄土司恃險不服定國兵直搗其穴猺獠驚駭頭目數人出見彝人見漢官不跪拜止脫頭上帽以為禮定國怒通事云生猺獠不知禮定國命鎖之取大鍋十口煮湯沸細猺獠投之須臾皆爛因呼諸酋令觀熟猺獠鎮雄土司人人股栗皆心懾服索馬立貢馬索烏鎗立鑄造輸納恐後雲貴四川漢彝雜處恃其深險阻兵好戰土官互相殘殺叛服不常官兵入境憚其險遠一為講解即已班師奢安普氏諸酋作亂雖經收服並無苛求諸苗不見中國強兵自謂弩機毒矢長標輕盾天下無敵及定國師至人人死戰土人呼大箭為飛鎗又造烏槍數萬齊發

之山石崩催猱驚畏始不敢仰視北兵西南諸苗既伏假永  
歷年號收服南安交趾緬甸占城羅甸女兒國定國云失却十  
省收服五國女兒國無男子名為淨土家家奉佛自衛其主定  
國等兵深入其境國王揮兵接戰數十互有殺傷定國兵陽敗  
以誘之女兵追襲伏四起禽五六百人皆美麗擄入營淫之天  
明兵與女皆死未死者不三日亦死兩軍相持無寧尋國王齎  
表請降乃班師 孫可望王兩川盡收獻忠部曲自恃克敵兵  
強李定國等定黔滇旁及諸國威名遠播可望乃使人貢南金  
二千上書桂林請封王為藩輔永歷因冊可望為秦王封李定

國安西王白文選輩昌王劉文秀武大定等俱為王定國整兵  
下衡州大破滿兵湖南大震孔有德屯桂林定國知桂林無備  
直走圍之拔其城孔有德自經于王府縱火自焚定國等兵撲  
滅之遂復廣西時可望據四川惟保寧順慶降于我

朝吳三桂屯保寧孫可望令劉文秀白文選率滇黔土司象馬分

道下西川文選秀將一軍自敘州成都至保寧文選將一軍出遵

義自合州重慶至順慶十月順治九年十月十一也劉文秀不俟白文選

至勒兵攻保寧吳三桂同固山將滿漢兵出城拒敵文秀列陣

城東北教場以象十三頭領十三營列陣四重象居前次挨牌

長槍次匾刀次烏銳陳圓如月堅不可犯吳三桂令撫鎮將川  
兵東路觀音寺迎敵三桂統滿漢兵列北路土地關攻之兩陣  
相持呼動地自辰至午不進北滿營盡章京陽退百步軍中云文  
秀兵見陣動出騎以追之圓陣開丈餘三桂旗下將騎兵數百  
突入弓矢齊發文秀衆盡甲居前無甲者在內無以禦矢營中  
大亂盡奔入河砍殺不拘其數獲象三頭盔甲數千烏鎗萬餘  
長槍匾刀堆積如山奪馬萬騎文秀走免獲金印重八十兩輜  
重亡算白文選至順慶聞文秀兵敗以兵走回貴州李定國以  
兵擊肇慶圍新會縣象攻城門裂守者發砲象驚退滿兵乘之

定國敗引歸可望忌西安兵強定國亦輕可望可望懼定國乘之以兩川降于我

朝封義王定國退保貴州 孫可望新安人初為賈負官室三百金無償訟繫府獄戴東旻為知府可望獄中上書東旻異之召與語試以他文益奇之立捐三百金償官室遂釋可望居數年可望復為賈致數千金償積逋復餘千金東旻已罷官居東陽可望持千金走東陽償東旻東旻笑曰曩憐若侑儻捐金相贖若能不忘德亦豪傑士也吾何用此金為哉堅却之可望去復為賈為獻忠所由與語大悅之常為謀主一軍皆聽之東旻為

鄖撫可望遺書曰思府在鄖必不敢一日犯境也東吳謝病去  
出境三日獻忠犯鄖新撫詰于朝以東吳素通賊東吳甫去而  
賊即至詔逮東吳死西市可望歸命後遣人以千金附子百觴  
送東吳子 吳三桂以兵自建昌入貴定國屢却奉永厯自騰  
越衝走西域至緬甸有言王松滋王瑞昌王隨入已而黔國公  
沐天波亦自交趾走緬甸后兄華亭侯王惟恭及文武百餘俱  
至緬人苦人之緬酋莽猛白畏李定國等兵強在近不敢叛  
順治十八年辛丑永厯十六年李定國屯緬甸洞泊境七月十九日緬  
酋殺松滋王沐天波及文武各官百餘人吉王聞變自縊瑞昌

王先病卒八月十八日李定國白文選連營走洞武城行五日  
次漢門坎文選夜移軍復回向洞泊定國走景線文選回屯錫  
波離木邦三百里爲浮橋江干遣人檄調木邦孟定二土司赴  
營中是時平西王吳三桂合滿漢兵十月二十八日自三宣猛  
邦進兵十一月十二日抵木邦總兵馬寧王輔臣合十一鎮兵  
自姚關進初八日先抵木關差官馮國恩于木邦知兩軍及永  
厯在于騰越宋聰檄諭緬酋告以大兵出邊之故令送永厯赴  
軍前即止兵三桂同黑白昂邦會十五日倍道疾馳噶喇昂邦  
白爾黑圖素章京飛雅思哈吳國貴率擺牙刺三百二十人同



都統郭爾太孫塔蘇章京畢立國及平西營都統何進忠蘇章  
京夏相國兵奪橋十八日前鋒至錫波文選知

王師至斫斷浮橋家口先行精兵爲殿奔茶山三桂兵至分營  
爲橋紮筏師畢渡兵七千三百人分爲三道馬寧及副都統石  
國柱兵邀其前總兵沈應時兵躡其後十一月二十一日俱至  
茶山文選拔營走兩軍躡之晝夜走每日七八十里二十五日  
及之于猛養分兵三路列陣進戰文選請降馬寧等受之獲象  
十三頭馬三千二百六十疋官四百九十九員兵三千八百伍  
十名婦女餘丁七千四百差偽夥伯張國用赴三桂軍前三桂

時在緬給諭降丁遵制薙髮聽候安插三桂先于十一月二十一日同白爾黑圖郭爾太孫塔畢立圖飛雅思哈及夏國相何進忠王輔臣等趨緬甸十二月朔兵至緬城東六十里舊晚波緬相錫真差馬頭二名持貝葉緬文赴軍前許送永歷要大兵退屯錫波只以兵百人入境接取方行送出三桂令白爾黑圖帶披甲百名同往更令擺牙刺二百人暗往接應初二日緬酋遣百人送永歷及太后皇后太子公主及宮女十四名太監七名文武各官婦女百人舟載過江初五日三桂移師緬城對江移檄訪諸王下落緬人回稱吉王等已故實據乃班師告捷三

桂館永歷別院日視供億一日三桂縞素加綵衣于外赴永歷  
所將吏怪之須臾三桂出咸變服如三桂三桂命更之如常三  
桂入屏人密語良久須臾三桂出俄而永歷殂發喪殮之未幾  
聞俘送入都之命太后皇后太子皆宮眷遂北去 定國聞三  
桂入緬索永歷自景線走緬將奉永歷走西域至則緬人已獻  
永歷定國怒攻緬斬莽猛白殺將相以下數萬人緬人聚餘燼  
再戰互有殺傷定國走出巡憐憐道病革集諸將語之曰若  
輩出萬死一生流離百戰以奉主矢不二今已矣我死急散去  
慎無從吾子吾子非統御才不足有為也呼其子語之曰揚妻

子變姓名力耕山谷以自活毋復更擁衆諸將皆泣定國死散  
亡大半相從不去者猶數千其子率之降三桂 初督師堵錫  
胤駐衡州督師何騰蛟駐長沙李赤心等兵皆分屯湖南巫夔  
鄖襄間王師入楚破長沙衡州錫胤騰蛟兵俱走桂林已復整  
兵下湘潭順治六年即永曆四年王師克湘潭騰蛟被殺時赤心已  
死諸帥屯巫門鄖襄者十八家緬甸班師後仍奉永曆年號咸  
為公侯督師毛壽登奉東安王朱盛藻在彝陵

康熙元年壬寅御史顧如華奏夔門鄖襄十三家若楊秉胤袁宗  
第賀珍塔天保劉體仁等各擁衆數千于大昌巫山寨中占住

鹽井已就招安之偽國公王克興反覆如故梁山縣水筒梁邨等處無非盜賊盤據邨裏之賊莫强于郝守駐房縣西邊羊角寨精兵數萬徧築木城擁以土石大于郡城二倍連亘竹溪竹山南漳保康居民為之運糧其勢小窮邨鈔掠無所得將有結連鳳泗聯絡山寨衝突出走之意蔓延可慮楊秉膺已納款旋故蒙贈卹之殊恩然不過夔門之一賊耳他尚衆多人乞會師亟行掃蕩以紓南顧

康熙二年癸卯五月湖廣總督張宗元會邨裏荆寶諸軍進攻邨西大冠郝守忠守忠棄竹山南漳保康三縣合兵守房與劉二

虎即劉仁合營湖廣提督董學禮合鄖襄寶岳興國宜章均州九

溪黎靖諸兵真抵房縣郝劉誘諸軍深入山中連營接戰四面  
伏起諸軍被圍力戰三晝夜飢困不支全師俱沒殺副叅守把  
等官五十八員喪師萬人提督勅印俱失僅以身免殘兵數千  
退屯興山當陽川陝湖廣諸督飛章告急 命木立馬充靖西  
大將軍圖海充靖冠將軍南征 命以督王一臣荆鎮馮源赴  
軍前協勦 八月十九日劉二虎李來庭郝搖旂即郝守忠黨守素  
塔天保馬騰雲合兵犯巫山川督李國英提督鄭麟蛟登陴守  
禦二十四日諸營救萬沿山扎營二十五日三更四面進攻俱

布纏頭皮盛綿甲捱簞進攻槍炮如雨城上槍炮對發傷賊無數賊營梁山逼城濠為土圍晝夜進攻不息川督李國英請催大兵速進乞令王一目全師速救 十月十七木立馬兵抵襄十八日浮橋渡江趨荊州永督師王可登詣彝陵總兵金萬鎰乞降興歸巴三縣賊帥楊明張可勝葉守亮陳啟祥相繼降于萬鎰大將軍木立馬命壽登招降馬中堵諸營 偽總兵武忠偽將軍羅茂領兵萬餘投誠 川督李國英奏郝搖旗巫山敗遁偽帥羅茂投誠報郝袁移營通山十一月二十八日將軍傅奎蟾副都統杜敏統大兵至巫山十二月初六偽將軍馬進忠

望等率兵丁家口薙髮投誠安插巫山郝  
督李國英奏征南將軍傅夸蟾副都統杜敏  
月二十九日水路進巫山棧道崎嶇馬困未至  
盡借綠旂馬匹滿兵騎征漢兵荷戈走十二月十八日臣同  
傅夸蟾杜敏鄭蛟麟二十三日直逼劉營陳家坡奪其要害賊  
奔後巢天池寨臣同諸將官兵徑入七木崆隘口逼陵逆穴

勢窮自盡妻子女同時縊  
巴達等力追二十六日至黃  
獲郝搖旂袁宗第偽部院洪